



□ 12
2890
24



門 口 12
號 2890
卷 24

春秋啖趙集傳纂例卷七



唐 陸 淳 纂

殺例第二十六

隱四年春戊申衛州吁弑其君完

公羊以國氏當國也義見本傳

桓二年春王正月戊申宋督弑其君與夷

莊八年冬十一月癸未齊無知弑其君諸兒 十二

年秋八月甲午宋萬弑其君捷

僖十年春晉里克弑其君卓

文元年冬十月丁未楚世子商臣弑其君髡 十四

年九月齊公子商人弑其君舍

商人昭公之弟舍之叔父為命卿



十六年冬十有一月宋人弑其君杵臼 十八

年夏五月戊戌齊人弑其君商人 冬十月莒弑

其君庶其

宣二年秋九月乙丑晉趙盾弑其君夷皇

當稱人以弑文脫耳

四年夏六月乙酉鄭公子歸生弑其君夷 十

年五月癸巳陳夏徵舒弑其君平國

成十八年春王正月庚申晉弑其君州蒲

襄二十五年夏五月乙亥齊崔杼弑其君光 二十

六年春王二月辛卯衛甯喜弑其君剽 二十九

年夏閏弑吳子餘祭

公穀皆云譏近刑人也

三十年夏四

月蔡世子般弑其君固 三十一年十有一月莒

人弑其君密州

昭十三年夏四月楚公子比自晉歸于楚弑其君虔

于乾谿 十九年夏五月戊辰許世子止弑其君

買 二十七年夏四月吳弑其君僚

定十三年冬薛弑其君比

哀四年春王二月庚戌盜殺蔡侯申 六年秋七月

齊陳乞弑其君荼

啖子曰凡魯君見弑止皆書薨不可斥言也他國公子

篡大夫弑必書名志罪也

若州吁宋督之類非君無道也

稱國以弑自

大臣也

晉弒其君州蒲之類凡四莒吳薛也

不書大夫君無道也

言舉國皆欲殺

也稱人以弒目賤人也

宋人弒其君杵臼之類是也

亦惡其君也

不君

善國人皆欲殺之

稱盜以弒非君之惡也

盜殺蔡侯申之類賤人為逆非君之惡也

以目罪也人之賤之也

案句有誤據外殺大夫公子篇云稱盜者目罪人之賤者也

不書其名罪已彰矣

經書盜足以見罪若云蔡盜殺其君則不成文

據此君有

道則大臣稱名卑者稱盜君無道則大臣稱國卑者稱

人其理例昭然不足疑也三傳之義例皆不安矣

殺未踰年君

莊九年九月齊人取子糾殺之

僖九年冬晉里克殺其君之子奚齊

文十四年秋齊公子商人弒其君舍

稱公子命卿也

趙子曰魯君未踰年而見殺亦但書卒不可斥言也他

國未踰年見殺者二晉奚齊以本不正故曰君之子明

國人意不以爲嗣獨君意立之明里克雖有罪而合晉

人之心也齊舍雖未踰年而爲亂故夫子原情特以成

君書之穀梁曰成舍之爲君所以重商人之弒此說是

也齊人取子糾殺之雖未嗣位而以未踰年稱之以其

正故特書以罪國人殺正而立不正也

小白不正

殺篡弒賊

隱四年九月衛人殺州吁于濮

桓六年秋蔡人殺陳佗

莊九年春齊人殺無知

僖三十年秋衛殺其大夫元咺及公子瑕

昭十三年夏楚公子棄疾殺公子比

趙子曰凡作亂自立為君而國人殺之者皆稱人以殺言眾所共棄不君之也且明無所累也公羊穀梁皆云稱人以殺殺有罪也此說是也楚公子比稱公子者棄疾假立為君國人心亦未服比雖立亦未如君故以兩下相殺之辭言之也衛公子瑕即元咺所立瑕立而自秉國權瑕亦未如君也故以君殺大夫之辭言之而反

在元咺之下以咺罪重於瑕也

僖二十八年衛侯殺叔武晉人執之歸于京師

元咺立公子瑕三十年衛侯歸殺元咺及公子瑕

殺大夫公子

趙子曰凡殺卿皆書雖未命亦書之大之也殺公子公孫雖非卿亦書重親也或曰志其罪也

或死者之罪或殺者之罪

內殺公子

僖二十八年公子買戍衛不卒戍刺之

成十六年乙酉刺公子偃

啖子曰內殺大夫謂之刺

周禮有三刺之法

避惡名也唯有二

人皆非卿而特書明其是公子也偃則直書刺者有罪

當殺也買則上言晉人伐衛下言買不卒成明不勝而還非其罪也不斥言無罪申臣禮也穀梁傳誤矣

外殺大夫公子

莊二十二年春陳人殺其公子禦寇

僖五年春晉侯殺其世子申生 七年夏鄭殺其大

夫申侯 十年夏晉殺其大夫里克 十一年春

晉殺其大夫平鄭父 二十八年夏楚殺其大夫

得臣 三十年秋衛殺其大夫元咺及公子瑕

文六年冬晉殺其大夫陽處父 九年春晉人殺其

大夫先都 三月晉人殺其大夫士穀及箕鄭父

十年夏楚殺其大夫宜申

宣九年冬陳殺其大夫洩冶 十三年冬晉殺其大

夫先穀 十四年春衛殺其大夫孔達 十五年

夏王札子殺召伯毛伯

成八年夏晉殺其大夫趙同趙括 十五年秋宋殺

其大夫山 十六年夏楚殺其大夫公子側 十

七年冬晉殺其大夫卻錡卻犢卻至 十八年春

王正月晉殺其大夫胥童 齊殺其大夫國佐

襄二年冬楚殺其大夫公子申 五年秋楚殺其大

夫公子壬夫 十年冬盜殺鄭公子駢公子發公

孫輒

凡盜殺不言大夫不可言也義見於本傳

十九年秋齊殺其大

夫高厚

鄭殺其大夫公子嘉 二十年秋蔡殺

其大夫公子燮 二十二年冬楚殺其大夫公子

追舒 二十三年夏陳殺其大夫慶虎及慶寅

冬晉人殺欒盈

出奔而還非大夫也

二十六年秋宋公殺

其世子痤 二十七年夏衛殺其大夫甯喜 三

十年夏天王殺其弟佞夫

秋鄭人殺良霄

義同欒盈

昭二年秋鄭殺其大夫公孫黑 五年春楚殺其大

夫屈申 八年春陳侯之弟招殺陳世子偃師

秋陳人殺其大夫公子過 十二年夏楚殺其大

夫成熊 十三年夏楚公子棄疾殺公子比 十

四年冬莒殺其公子意恢 二十年秋盜殺衛侯

之兄縶 二十七年夏楚殺其大夫卻宛

哀二年蔡殺其大夫公子駟 四年夏蔡殺其大夫

公孫姓公孫霍 十三年冬盜殺陳夏區夫

啖子曰凡他國殺大夫公子目君者惡其君也

晉侯殺其世子

申生宋公殺其世子痤天王殺其弟佞夫直是君自殺之非國也

稱人者討罪之辭也

衛人殺州吁之類言國人皆欲殺之也

稱國以殺者罪累上也

宋殺其大夫司馬之

類是也但稱大夫者無罪而死也

曹殺其大夫之類也

兩下相殺稱

名目罪人之貴者也

王札子殺召伯毛伯陳侯之弟招殺世子偃師之類是也稱盜

者曰罪人之賤者也

盜殺衛侯之類

出奔而復入見殺不

言大夫者言已絕也

樂盈良霄之類

凡君命之大夫奔叛執殺

皆書之紀邦政也又齊高厚楚卻宛莒意恢等據左氏傳事迹竝是兩下相殺而經以國討為文者蓋殺者承君之命故經書國以累上傳憑襍記之事意在專歸罪於殺者故遺君命耳且當憑經以為正也

諸殺大夫不書名

莊二十六年夏曹殺其大夫

僖二十五年夏宋殺其大夫

文七年夏宋人殺其大夫

左氏云昭公將去羣公子穆襄之族率國人以攻公

殺公孫固公孫鄭于公宮六卿和公室昭公即位而葬書曰宋人殺其大夫不稱名眾也且言非其罪

八年冬宋人殺其大夫司馬

左氏云宋襄夫人襄王之姊也

昭公不禮焉夫人因戴氏之族以殺襄公之孫孔叔公孫鍾離及大司馬公子印皆昭公之黨也司馬握節以死故書以官

啖子曰稱國者明死者全無罪累君益深也死者又無名節故不紀官與字也稱人者明死者無罪又非君意而殺之者眾不可書名特加人字以別之若守節以死特書官以美之

諸大夫國君被弑而見殺者三

忠義見殺故不入常例特

略

桓二年春王正月宋督弑其君與夷及其大夫孔父
莊十二年秋八月甲午宋萬弑其君捷及其大夫仇
牧

僖十年春晉里克弑其君卓及其大夫荀息

趙子曰皆忠義見殺與君而死故言及以連之美其能

死節也孔父之節最高故又特書字以嘉之公羊曰孔父正色於

朝則人莫敢致難於其君

殺他國君

桓六年秋蔡人殺陳佗佗雖踰年本篡弑之賊故不成之為君與無知同

宣十八年秋七月邾人戕郕子于郕公羊曰戕殘賊也謂加剗剔支

解異於常殺也

昭十一年夏四月丁巳楚子虔誘蔡侯般殺之於申

兩罪之故兩書名也

十六年春楚子誘戎蠻子殺之

啖子曰凡殺他國君卿亂辭也死者殺者皆有罪也稱人以殺殺

者無罪死者無道也兩書名俱罪之也楚子虔誘蔡侯殺之是也楚

子誘戎蠻子殺之不名莫得而知也地遠故不知名也故楚子

不名均其辭言罪之均也為不知蠻子名故楚子亦不書名令其罪惡均也

殺他國大夫

宣十一年冬十月楚人殺陳夏徵舒為弑靈公楚人陳殺之也

昭四年秋七月楚子蔡侯陳侯許男頓子胡子沈子

淮夷伐吳執齊慶封殺之

襄二十五年與崔杼同弑莊公奔吳故殺之

八年夏楚人執陳行人干徵師殺之

干徵師告楚以偃師

被殺楚人殺之

冬十月壬午楚師滅陳執陳公子招放

之于越殺陳孔奭

陳侯之弟招殺世子偃師楚人陳執陳招放之于越孔奭招黨

故殺之也

趙子曰三者皆宜見討唯干徵師無罪故稱陳行人以別之也

執放例第二十七

執諸侯

僖五年冬晉人執虞公

天子三公故不書名

十九年春王三

月宋人執滕子嬰齊 六月己酉邾人執鄆子用

之

取其血與之盟

二十一年秋宋公楚子陳侯蔡侯鄭

伯許男曹伯會于孟執宋公以伐宋

二十八年

三月丙午晉侯入曹執曹伯畀宋人

不稱晉人執者承上晉侯

入曹文故不可重言晉人也

冬晉人執衛侯歸之于京師

以其

殺叔武元咺誅之受臣之誅以執其君不可以訓故不得稱侯

成九年秋晉人執鄭伯 十五年春晉侯執曹伯歸

之于京師

以其篡立故公羊云稱侯以執伯討也

襄十六年春晉人執莒子邾子以歸 十九年晉人

執邾子

昭四年楚人執徐子

哀四年春宋人執小邾子 夏晉人執戎蠻子赤歸

于楚

啖子曰春秋時以強暴弱故執諸侯皆稱人亂辭也以私

相執不歸京師唯言晉侯執曹伯義見趙子曰被執失地則名

不然則否滕嬰齊戎蠻赤失地凡執不言釋唯言釋宋公為公往

會而見釋嘉我公之救患也

執外大夫

桓十一年九月宋人執鄭祭仲左氏曰宋誘而執之使立厲公以其受脅

廢立故不稱行人也

莊十七年春齊人執鄭詹不知以何罪執也

僖四年春齊人執陳袁濤塗左氏云齊桓伐楚還說令循海而歸故見執也

文十四年冬齊人執單伯公穀皆云道淫故也

成十六年九月晉人執季孫行父舍之于莒左氏云僑

如譜之也

襄十一年秋楚人執鄭行人良霄鄭人使告服於晉故也 十

八年夏晉人執衛行人石買責其伐曹也為使而見執故稱行人

二十六年秋晉人執衛甯喜弑其君剽故也

昭四年楚子伐吳執齊慶封殺之 八年夏楚人執

陳行人干徵師殺之告楚以世子被殺故立君之事 十三年秋

晉人執季孫意如以歸以其伐邾故也二十三年春晉

人執我行人叔孫婼責伐邾也伐邾非其罪且是使人故稱行人

定元年春王三月晉人執宋仲幾于京師左氏云會城成周仲

幾不受功故也六年秋晉人執宋行人樂祁犁左氏云使於晉

趙簡子逆而飲之酒范獻子譖之云未致命而飲酒故執之七年秋齊人執

衛行人北宮結以侵衛衛欲叛晉而齊人執之

啖子曰凡稱行人而執以其事執也言為使事不稱行人而

執以已執也言其使有罪也穀梁曰稱人以執大夫執有罪也

稱行人以執怨接於上此說皆通也

執內女

文十四年冬齊人執子叔姬與單伯同罪也

趙子曰內女見執依內大夫例書之左氏言是齊侯舍

之母春秋例別無書執本國人者故知左氏誤此乃魯

女嫁齊齊以非禮不肯受而執之耳公穀之義為是也

義見本傳

放

宣元年夏晉放其大夫胥甲父于衛

昭八年冬十月壬午楚師滅陳執陳公子招放之于

越

哀三年秋蔡人放其大夫公孫獵于吳

啖子曰放者宥之以遠謂君以禮命命令去也依殺例言之則稱國者罪累上也稱人者宜放也

天王居

僖二十四年冬天王出居于鄭

襄王也不書入見內之不臣也

昭二十二年夏劉子單子以王猛居于皇 二十三

年秋天王居于狄泉

景王

啖子曰天子以天下為家故不言出襄王獨書出者自絕天位雖居於鄭猶若出在四海之外然王者至尊故不曰奔雖在外皆曰居諸侯奔在竟內亦曰居皆言猶居其地但不得其所耳

公居于鄆之類是也

公及夫人孫

莊元年三月夫人孫于齊

閔二年九月夫人姜氏孫于邾

哀姜也

昭二十五年九月己亥公孫于齊次于陽州

啖子曰凡公及夫人出謂之孫不可斥言奔公羊曰內諱奔謂之孫是也

奔逃例第二十八

諸侯奔

桓十五年五月鄭伯突出奔蔡 十六年十一月衛

侯朔出奔齊

莊四年夏紀侯大去其國

失國而云大去所以護紀而惡齊也

僖二十八年夏衛侯出奔楚

令叔武攝位而去故不名也

文十二年春王正月邾伯來奔

襄十四年四月己未衛侯衎出奔齊

昭三年冬北燕伯款出奔齊 二十一年冬蔡侯朱

出奔楚 二十三年秋七月莒子庚輿來奔

哀十年春王二月邾子益來奔

啖子曰凡人君奔例書名者罪其失地言非復諸侯也或曰臣出其君非至公而其罪不彰無迺掩姦乎荅曰出君之罪史氏知之也春秋舉王綱正君則而治道興

矣不善之積莫非已招也

未踰年諸侯奔

桓十一年秋鄭忽出奔衛

莊二十四年冬曹羈出奔陳

昭元年秋莒展輿出奔吳

趙子曰未踰年之君出奔但書名不書爵言不能嗣先君也鄭忽曹羈是也莒展輿雖踰年猶不書爵其罪大也

王子王臣奔

成十二年春周公出奔晉

襄三十年夏王子瑕奔晉

昭二十六年冬尹氏召伯毛伯以王子朝奔楚

啖子曰天子公卿奔者不言出天下皆周土也唯周公自絕於王故書出罪之也左氏云凡自周無出周公自出故也穀梁云周有人無出皆是也王子朝書尹氏以者能制之也

內大夫奔

閔二年九月公子慶父出奔莒

文八年十月公孫敖如京師不至而復丙戌奔莒復者

事未畢

宣十八年十月歸父還自晉至笙遂奔齊還者事畢也

成十六年冬十月乙亥叔孫僑如出奔齊

襄二十三年冬十月乙亥臧孫紇出奔邾

昭十二年冬十月公子慙出奔齊

外大夫奔

莊十二年冬十月宋萬出奔陳

僖二十八年六月衛元咺出奔晉

文六年冬晉狐射姑出奔狄 七年夏晉先蔑奔秦

不言出奔言八年冬宋司城來奔左氏云非其不返命也

故也十四年秋宋子哀來奔左氏云不義宋公而出稱字美之也

宣十年四月齊崔氏出奔衛

公羊云稱崔氏譏世卿也

成七年冬衛孫林父出奔晉 十五年秋宋華元出

奔晉 宋魚石出奔楚 十七年秋齊高無咎出

奔莒

襄六年夏宋華弱來奔 十七年秋宋華臣出奔陳

二十年秋蔡公子履出奔楚 陳侯之弟光出

奔楚

穀梁云書弟罪其兄也

二十一年秋晉欒盈出奔楚

二十三年夏邾畀我來奔 二十四年冬陳鍼

宜咎出奔楚 二十七年夏衛侯之弟鱣出奔晉

二十八年夏衛石惡出奔晉 冬齊慶封來奔

二十九年九月齊高止出奔北燕 三十年七

月鄭良霄出奔許

昭元年夏秦伯之弟鍼出奔晉 冬楚公子比出奔

晉 六年夏宋華合比出奔衛 八年夏陳公子

留出奔鄭 十年夏齊欒施來奔 十五年夏蔡

朝吳出奔鄭 二十年夏曹公孫會自鄆出奔宋

據鄆以叛今出奔

冬十月宋華亥向寧華定出奔陳

二十二年春宋華亥向寧華定自宋南里出奔楚

前年自陳入南里以叛今復出奔故須言南里以符前事

二十七年邾快來

奔

定四年冬楚囊瓦出奔鄭 十年秋宋樂大心出奔

曹 宋公子地出奔陳 冬宋公之弟辰暨仲佗

石彊出奔陳 暨者以彼及此也蓋 十四年春衛

趙陽出奔宋 夏衛北宮結來奔 秋衛世子蒯

曠出奔宋 衛公孟彊出奔鄭 宋公之弟辰自

蕭來奔

哀四年二月蔡公孫辰出奔吳 六年夏齊國夏及

高張來奔 十一年夏陳轅頗出奔鄭 冬十一

月衛世叔齊出奔宋

啖子曰內外大夫奔卿則書君之股肱也治亂所寄故

重而書之凡奔皆惡也有非惡者則異其文宋司城是
也有美者又褒之宋子哀是也不是從國都而出奔皆
書所自兩下相逐不書責政於邦也來奔不言出異於
外也稱弟者罪其兄也非兄之罪則曰公子惡甚曰某
鄭段是也

逃三

莊十七年秋鄭詹自齊逃來

僖五年八月諸侯盟于首戴鄭伯逃歸不盟 時齊桓大會以

尊王室鄭伯不當逃歸也

襄七年十有二月公會晉侯宋公陳侯衛侯曹伯莒

子邾子于鄆陳侯逃歸

二慶告陳侯曰楚人執公子黃矣君若不來羣臣不忍社稷懼有二

圖遂來歸也

趙子曰凡言逃者皆謂義當留而竊去也故穀梁云逃義曰逃君臣同辭逃者匹夫之事也

諸叛例第二十九

莊三年秋紀季以鄆入于齊

稱季順兄之命也不書名言季非叛也不書弟

言兄無惡也書入以罪齊也

成十八年夏楚子鄭伯伐宋宋魚石復入于彭城

五

年奔楚至此時入左氏云以惡入曰復入不稱所自以伐為重不稱納非復臣也不稱叛不止乎叛也言其志在滅本國也

襄二十一年春邾庶其以漆閭丘來奔

以地來奔即叛也

二十三年夏晉欒盈復入于晉入于曲沃

二十一年奔楚

不稱所自潛至也不稱叛本非叛也

二十六年春衛孫林父入于戚以叛

三十年秋鄭良霄自許入于鄭

不言叛與欒盈

義同但不據邑也不書復入志在復讎非謀害國不爾即經闕文也

昭五年夏莒牟夷以牟婁及防茲來奔

義同庶其

一年宋華亥向寧華定自陳入于宋南里以叛

三十一年冬黑肱以濫來奔

義同庶其

定十一年春宋公之弟辰暨仲佗石彊公子地自陳

入于蕭以叛 秋宋樂大心自曹入于蕭 十三

年秋晉趙鞅入于晉陽以叛 冬晉荀寅士吉射入于朝歌以叛

趙子曰凡據土背君曰叛叛者皆書不必命卿也以地來者而不言叛從可知也又凡叛而書所自非君無道也

至歸入納例第三十

公至自會

僖十五年九月公至自會 十七年九月公至自會
文十四年七月公至自會
宣八年春公至自會 十七年秋公至自會

成六年春王正月公至自會 七年秋公至自會

九年春王正月公至自會 十五年三月公至自會

會 十六年秋公至自會 冬公至自會 十七

年秋公至自會

襄三年秋公至自會 五年秋公至自會 十年夏

公至自會 十一年秋公至自會 十六年夏公

至自會 二十年秋公至自會 二十二年春王

正月公至自會 冬公至自會 二十四年冬公

至自會 二十五年八月公至自會

昭十三年八月公至自會 二十六年公至自會

定四年七月公至自會 十四年五月公至自會
哀十三年秋公至自會

公至自某國某地

桓二年冬公至自唐

莊二十三年春公至自齊 夏公至自齊 二十四

年秋公至自齊

僖三十三年冬十二月公至自齊

文四年春公至自晉 十四年春王正月公至自晉

十七年秋公至自穀

宣四年秋公至自齊 五年夏公至自齊 九年春

王正月公至自齊 十年春公至自齊 五月公
至自齊

成三年夏公至自晉 四年秋公至自晉 十一年

春王三月公至自晉 十八年夏公至自晉

襄三年四月公至自晉 五年春公至自晉 八年

夏公至自晉 十三年春公至自晉 二十一年

夏公至自晉 二十九年五月公至自楚

昭五年七月公至自晉 七年九月公至自楚 十

六年夏公至自晉 二十六年三月公至自齊居

于鄆 二十七年春公至自齊居于鄆 冬公至

自齊居于鄆 二十九年春公至自乾侯居于鄆

定八年夏公至自瓦 十年夏公至自夾谷 十二

年十一月公至自黃

公至自侵伐圍救

定六年二月公至自侵鄭 八年春王正月公至自

侵齊 三月公至自侵齊 已上至自侵

桓十六年七月公至自伐鄭

莊六年秋公至自伐衛 二十六年夏公至自伐戎

僖二十六年冬公至自伐齊

宣七年秋公至自伐萊

成三年二月公至自伐鄭 十三年七月公至自伐

秦 十七年十一月公至自伐鄭

襄十年冬公至自伐鄭 十一年七月公至自伐鄭

十九年春公至自伐齊

哀十年五月公至自伐齊 已上至自伐

僖二十九年春公至自圍許

定十二年十二月公至自圍成 已上至自圍

襄五年十二月公至自救陳

致前事

僖六年夏公會齊侯宋公陳侯衛侯曹伯伐鄭圍新

城秋楚人圍許諸侯遂救許冬公至自伐鄭

襄十年春公會晉侯宋公衛侯曹伯莒子邾子滕子

薛伯杞伯小邾子齊世子光會吳于柤夏五月甲

午遂滅偃陽公至自會

致後事

僖四年春王正月公會齊侯宋公陳侯衛侯鄭伯許

男曹伯侵蔡蔡潰遂伐楚次于陘八月公至自伐

楚

襄十一年七月公會晉侯宋公衛侯曹伯齊世子光

莒子邾子滕子薛伯杞伯小邾子伐鄭會于蕭魚

公至自會

雜致

成七年秋公會晉侯齊侯宋公衛侯曹伯莒子邾子

杞伯救鄭八月公至自會 十六年秋公會尹子

晉侯齊國佐邾人伐鄭十二月公至自會

定四年春三月公會劉子晉侯宋公蔡侯衛侯陳子

鄭伯許男曹伯莒子邾子頓子胡子滕子薛伯杞

伯小邾子齊國夏子召陵侵楚秋七月公至自會

已上不以本事致而以會致

襄十八年十月公會晉侯宋公衛侯鄭伯曹伯莒子

邾子滕子薛伯杞伯小邾子同圍齊十九年春王

正月公至自伐齊亦不以本事致

桓十八年夏公之喪至自齊

啖子曰凡公行總一百七十有六書至者八十有二不

書至者九十有四此因時君告廟不告廟也左氏傳桓

二年公至自唐曰告于廟也此說是告廟則書之于策

故夫子隨其所致而書以示功過且志其去國遠邇遲

速也其有一出而涉兩事者則或致前事若僖六年伐鄭救許書至

自伐鄭之類或致後事若僖四年侵蔡伐楚至自伐楚之類蓋夫子擇其重者

志之也又有不致本事者蓋本事非功也十二公獨隱

公不告蓋謙讓不以人君之禮自處也其餘不告或恥也或怠也

歸

桓十一年九月突歸于鄭

莊二十四年冬赤歸于曹

僖三十年秋衛侯鄭歸于衛

昭十三年秋蔡侯廬歸于蔡陳侯吳歸于陳

定十三年冬晉趙鞅歸于晉

哀八年夏歸邾子益于邾十年衛公孟彊自齊歸

于衛

桓十七年秋八月蔡季自陳歸于蔡此已下皆自某歸

成十四年夏衛孫林父自晉歸于衛十五年八月

宋華元自晉歸于宋十六年秋曹伯歸自京師

襄二十三年夏陳侯之弟黃自楚歸于陳

昭十三年夏四月楚公子比自晉歸于楚

復歸來歸逃歸附

桓十五年五月鄭世子忽復歸于鄭

僖二十八年六月衛侯鄭自楚復歸于衛冬衛元

咺自晉復歸于衛曹伯襄復歸于曹

襄二十六年二月甲午衛侯衎復歸于衛

閔元年八月季子來歸

僖五年八月鄭伯逃歸不盟

襄七年十二月陳侯逃歸

入

隱八年庚寅我入邠

桓十五年夏許叔入于許秋九月鄭伯突入于櫟

莊六年夏六月衛侯朔入于衛九年夏齊小白入

于齊二十四年秋夫人姜氏入

襄二十五年秋衛侯入于夷儀三十年秋鄭良霄

出奔許自許入于鄭

昭元年秋莒去疾自齊入于莒 二十二年秋劉子

單子以王猛入于王城 二十六年冬十月天王

入于成周

定十一年秋宋樂大心自曹入于蕭

哀六年秋齊陽生入于齊

復入

入某以叛
見叛例

成十八年夏宋魚石復入于彭城

襄二十三年夏晉欒盈復入于晉入于曲沃

納

莊九年夏公伐齊納子糾

僖二十五年秋楚人圍陳納頓子于頓

文十四年秋晉人納捷菑于邾弗克納

宣十一年冬楚子入陳納公孫寧儀行父于陳

昭十二年春齊高偃帥師納北燕伯于陽

哀二年夏晉趙鞅帥師納衛世子蒯聩于戚

已上啖趙之辭亡

春秋啖趙集傳纂例卷七

番禺劉昌齡黎永椿王國瑞校字

春秋啖趙集傳纂例卷八

唐 陸淳纂

姓氏名字爵諡義例第三十一

姓氏

陸淳曰古者一字不成文辭皆以氏字配之姜氏子氏以氏配姓也季氏臧氏以氏配族也哭於賜氏以氏配名也仲氏吹簾及不念伯氏之言以氏配字也滅赤狄潞氏以氏配國也母氏聖善以氏配親也然則通而言之皆得言氏別而言之單言氏者皆謂族也姓則百代不易謂唯天子迺得特賜姓故曰因生以賜姓舜賜禹

姓曰姒伯夷曰姜武王賜胡公姓曰嬀是也又曰胙之

以土而命之氏舜賜禹曰夏伯夷曰呂是也又公子之

子例以諡配氏僖伯文伯宣叔襄仲之類是也而後代子孫因以其字

為氏示所出不亂所謂別子為祖也自餘則或以官以

邑為其氏族以自分別凡此皆如近代之論房也又古

者男子皆以氏配名華元士燮高固之類是也不言其姓婦人乃稱

姓姜氏姬氏子之類禮曰男子稱名婦人稱姓是也公子公孫

以子孫為氏明與君一體以異於眾臣也不以國為氏

者異於君也會孫以下去君稍疎則可書其氏矣晉之

荀氏經常稱荀氏左氏分為中行氏智氏魯之仲孫氏

傳則謂之孟氏蓋當時或私自稱氏於仲孫氏之中又

相別傳從而書之經則必從其正諸氏之中又為諸氏

者如晉之魏氏分為呂氏廚氏魯之季氏分為公鉏氏

皆就中自分別如今同房之中又論房也

名字

子生三月父名之二十而冠敬其名而立其字以五十

仲之字故為二十冠而字也五十乃為大夫則又敬其字而呼伯仲

之字凡稱其字者必加子字於上子美稱也且以便於

言也子突子哀是也宋孔父以子是其姓不可言子孔

故改曰孔父美稱也加之者亦以便於言也古者或

春大義列卷八

有名父者如荀林父胥甲父之類而無以子字為名者以子者配其字之美辭故避之父則本非配字之言故可為名但夫子時書之耳又家父者天子大夫家氏也當是無兄弟者無伯仲可稱故但以父配氏而已按儀禮二十而冠便加伯仲之字伯某甫伯魚伯牛之類也年至五十乃為大夫即又加敬但呼其伯仲孔伯冉伯而不言伯牛也禮謂五十以伯仲是也亦有但以子連字不言伯仲者子貢子路是也此即與啖說不同然而據儀禮即似有憑也儀禮云庶子長者曰孟據孟與伯俱是最長之稱嫡庶既分須別立字而左氏傳諸國大夫亦有非庶而稱孟不知何故也

爵諡

古者無諡周始有之武王追王三代而王季獨無諡蓋

初制之時加諡者如殷祖之號有大功大德乃加之故三祖之中無諡者一并諸侯若公卿大夫有大功大德及大惡者乃特賜諡不盡有諡也故史記世本厲王以前諸侯有諡者少其後乃皆有諡蓋後代僭差遂以為常如祖宗之號本以尊有功德而漢以來一切加之亦皆臣子之心願尊其君父之所致也楚之大夫有土者皆僭封公蔡公申公之類是也僭用諸侯禮也秦之大夫多僭為子僭畿內諸侯禮也此竝不見於經出於傳諸侯皆當依爵而時多僭諡為公春秋時為蔡一處稱侯餘皆稱公僭也天子大夫亦有僭諡為公者劉文公之類也諸侯之大夫皆以伯仲配諡而時或僭

爲子范文子季武子之類是也以其采地欲自同於畿內諸侯也侯伯子男之臣皆得稱其君曰公其子孫亦曰公子而諡不得云公者諡是王所賜也大夫之臣得稱其主曰子而諡不得稱子者諡是君所賜也婦當從夫諡後代訛謬無別有諡非正也若公之夫人稱小君言位比君而小耳大夫之妻曰內子亦比於夫人尊之曰子而在內耳左氏傳所序當時人或言本爵或言公吳楚則或言王皆隨本國他國之史文也楚國史則曰王他國之史則曰子其言人臣或稱爵位或言名氏或言其官亦或從其家傳或從其國史或從當時雜記故不一也一行

之內則有數名故知博采諸記錯綜而爲之也經書名氏傳言爵位及自諡等經無名而傳有之今竝存其文以示當時人解釋其違經者則削之舊解春秋經傳人名皆原其譜牒今以非褒貶之意故不復具言唯魯之世卿則獨於註中言之爾

名位例第三十二

王者無上故加天字言如天也而有不書天者三桓公弑隱而王不討之至莊元年反令榮叔來錫命故不言天一也文公以僖公妾母成風用夫人禮而王不責反令榮叔歸舍且贈故去天字二也又使召伯來會成風葬亦去天字三也成風竝見文五年春經蓋言不能法天者也竝各於本又有書天子者一成八年天子使召伯來錫

公或依策命之文以懲失禮或傳寫誤也天子無上無以褒之故褒子突莊六年王人子突救衛時魯伐衛納朔不正也則王美可見也天子自絕於天下而奔者曰出僖二十四年天王出居于鄭義已見奔例言自棄天下如在四海之外然

諸侯

諸侯唯宋稱公餘稱侯伯子男四等各隨本爵書之唯葬時稱公見其非王諡也義見隱五年時吳楚雖僭稱王經但依其本爵書之不可依其僭偽之號諸侯位尊無以褒之但託辭以見美而已紀侯不言奔而言大去即其類也左氏曰齊欲滅紀紀侯以國與紀季令其事齊以存宗社而身去之義見莊四年諸侯失地則書名

襄十四年衛侯衎諸侯滅同姓僖二十五年衛侯燬滅邢之類及誘人昭十一年楚子虔誘蔡侯亦書名其惡大當絕之不以般殺之于申之類是也

為人君也國滅而不能死又不奔他國者定四年蔡公孫姓滅沈以沈子嘉歸之類是也亦如之責其不求興復也諸侯有夷狄之行

者則以狄書之君臣同辭但舉名而已晉人敗秦師于殽左氏云秦人因

戍鄭而謀襲晉晉人敗之在成三年鄭伐許傳無事迹晉伐鮮虞

于殽義見僖三十二年鄭伐許傳無事迹晉伐鮮虞

道於鮮虞遂滅肥冬晉伐鮮虞因肥也之類是也荆

人來聘在莊二年楚人圍宋在僖二十七年時晉文新霸

人楚子所以楚人使宜申來獻捷亦同在僖二十一年諸

其臣皆書國而已

僖七年鄭殺其大夫申侯之類是也

不書其爵言以國

法誅之也若殺臣之全無罪者則稱爵以罪之

僖五年晉侯殺

其世子申生之類是也

魯侯爵而曰公臣子之敬辭也非與僭用

其禮同也又曰滕薛杞初皆書侯莊公之後滕則稱子

桓公二年稱子時為在喪非正名也

薛杞則自莊公之後或稱侯或稱伯

或稱子者義具微旨本非夷狄又非附庸故不書人也

言本中國諸侯非夷狄所以議之也

附庸之君例書名介葛盧

僖二十九年來朝

邠黎來

莊五年來朝

是附庸之君也雜用夷禮者以人稱之

邠人牟人葛人來朝

在桓十五年

是也邠儀父亦名也三傳

謂之字誤矣

說見辨疑

畿內諸侯在天子公卿例中也

未踰年君

諸侯未踰年則稱子

僖二十五年公會衛子莒慶盟于洮之類是也

言未成君

也未葬又加名

莊三十二年八月公薨十月子般卒是也未葬故書名

對尸柩前

父前子名之禮也出外則亦不名非對尸柩故也王猛

據例當書曰子恐似羣王子故特曰王子明正也又書

名異成君也

義見昭二十二年

未踰年君出奔不曰子但名而

已言不能嗣先君也鄭忽

桓十二年奔衛

曹羈

莊二十四年奔衛

陳佗

桓六年蔡人殺之也

齊無知

莊九年齊人殺之也

莒展輿

昭元年奔吳

雖踰

年猶不書爵以其不正不許其有爵也

以其本不正故也

鄭忽

復歸猶書曰世子者明其正也

在桓十五年

齊侯舍未踰年

而書爵重商人之罪也

義見文十四年

太子

稱太子者皆父已命之上告於王周禮所謂誓於天子者也衛太子蒯瞶父已命之後雖廢立猶謂之太子

哀二

年晉趙鞅納衛太子蒯瞶于戚陳禦寇父命之故傳稱太子未誓於王

故經書公子

義見莊二十二年

蔡侯般見殺喪未歸太子有未

嗣位故猶稱太子

昭十一年夏四月楚子虔誘蔡般殺之冬楚師滅蔡執太子有以歸用之

其弒逆者則不必待王命以重其罪

如未踰年稱君之義楚世子商臣弒

其君是也義見文元年

夷狄

夷狄之君臣皆書其國而已若狄荆吳徐越之類是也朝聘列會例加人字不可言荆來聘不可連言吳鄙人故也但君臣同辭異於中國耳夷狄之君不能自通者但貶稱戎狄而已閔僖之時狄頻伐中國或列於盟會皆但書狄魯敗長狄亦但書狄皆謂不審其名號隱桓之時戎或盟會亦但書戎莊僖之後或稱北戎山戎陸渾戎宣公之後自稱白狄赤狄及淮夷皆謂以名通也初但是狄爾後又有戎蠻子赤及赤狄潞子皆戎有爵乃稍知其名也蠻戎甲氏留吁赤狄也宣十六年晉滅之有國號仍標戎字者以別中國也荆吳越之輩全同夷俗故依夷狄書

之不標戎狄之字明其本非夷狄也楚人初同夷俗則書曰荆以州言之如曰荊州之夷其後自通又不同夷則遂同中國之例吳唯黃池之盟在哀十三年以爭長降號已前多故稱爵栢舉之戰以蔡人以其舉重也定四年稱王吳子戰故書爵使札來聘在襄二十九年以合禮故稱爵善其能聘也中國餘則皆依夷狄例鮮虞昭十二年蓋赤狄也越曰於越者乃越中之別也如羣舒蓋亦夷類舒鳩舒庸亦舒中之別也

后夫人王姬內女

天子之妃曰后諸侯曰夫人凡稱婦者有姑之辭也公

羊曰在塗曰婦殊失之矣

凡婦人皆以字配姓伯姬仲子季姜之類是也以諡言

之亦以諡配姓穆姜定姜共姬之類是也女者未嫁之

稱至夫之國乃曰夫人宣元年公子遂如齊逆女遂以夫人婦姜至自齊之類是也

王后雖在父母國亦曰王后桓八年祭公來逆王后干紀之類是也天下

皆王土故也凡取必親迎至夫國始當成禮文公成禮

於齊故不得言逆女而曰逆婦齊高固莒慶成禮於魯

故曰逆叔姬見其不言女則知失禮也其義皆見諸侯婚姻例中

之妾母雖臣下尊之然不得稱夫人以體先君自成風

之後乃皆僭矣

春秋時有子叔姬者三

文十二年子叔姬卒文十五年齊人來歸子叔姬宣五年高固

來逆子叔姬

公羊穀梁皆云同母姊妹非也據稱子直謂時

君之子以別先君之子耳乃云姊妹有何理哉難者或云若是文公女不應有兩叔姬按伯仲之外餘稱叔管叔蔡叔等即其類也

天子之公卿大夫

三公稱公會為三公而有土為畿內諸侯者亦曰公皆

以其地配公字言之祭公

桓八年來逆王后于紀

周公

僖九年會于葵丘者

也皆見為三公

以其皆用王事也

州公

桓五年如曹郭公莊二十四年經闕

或會為三公也或見為三公未可定也天子卿大夫有

封為畿內諸侯者皆曰子殷制已然箕子微子是也周

亦因之故王臣稱子者皆畿內諸侯也溫子劉子單子

尹子是也有采地不封為國者不得謂之子采采也采

其租稅而已不臣其人也其封土有宗廟社稷專其人

民如在天子畿內若諸侯國內之附庸然天子有六卿

冢宰無所不統故為冢宰者皆加宰字宰渠伯糾

桓四年來

聘是也兼為三公則曰公

宰周公是也

不兼三公者但書氏

字而已

宰渠伯糾是也

天子大夫皆稱氏稱字字謂伯仲叔季

也諸侯不敢名也召伯毛伯榮叔兄弟無伯仲可言但

謂之叔叔美稱也足以當字

其例已見諸侯例中此但字耳

天子大夫

唯渠伯糾一人兼書名以譏其不達禮也

桓四年天王使宰渠伯糾

來聘子突書字以褒之渠伯兼名以貶之義可知也又曰

王子王孫有大故亦書之王子札殺召伯毛伯是也

經書

王札子誤也

諸侯之卿大夫士

魯宋齊晉衛蔡陳鄭八國之卿自齊桓霸後無不稱族餘國則否公羊穀梁言曹莒無大夫者無命大夫也舊

說或謂無君命若無君命何以得為大夫乎禮諸侯之

卿皆命於天子

王制云大國三卿皆命於天子次國三卿二卿命於天子一卿命於其君此蓋

見春秋經不書卿名所以爾不知自是小國不請命亦推尋事理啖說為近正也

平王東徙諸

侯之卿無復請命故隱桓及莊公之初少有書族者蓋

齊桓既霸列會頗多凡列班位未命者在已命者之下

故此諸國皆請書族自餘小國不能自通於王室亦少

能爭長故皆不請王命終於春秋秦雖大國少列盟會

故不請命楚既僭號固當不請及公子嬰齊入會中國

成二年公會楚公子嬰齊于蜀

不可以未命而長諸國故請王命焉所

以自嬰齊之後楚卿亦書族有王命者則通於諸國故

書族書名未王命者但曰某人言但某國之人耳同於

眾大夫及庶士也如此書者所以重王命尊周室也諸

國之卿本當三人時多僭越其數頗多皆非禮而請也

魯卿雖未命者書其名詳內事也無駭翬柔溺是也

隱公時隱公謙居攝故不爵命大夫也他國非命卿不書既無王命不通

於他國也來魯及事連魯者皆書其名詳內事也紀履

綸隱二年來逆女鄭宛隱八年來歸邠莒挈僖元年季友獲之楚宜申僖二十一年來

捷莒慶僖二十五年盟于洮秦術文十二年來聘吳札襄二十九年來聘之類是

也

諸國大夫王賜之畿內邑為號令歸國者皆書族書字

同於王大夫敬之也鄭祭仲桓十一年宋執鄭祭仲單伯莊元年單伯逆

王陳女叔莊二十五年來聘是也左氏謂單伯是周大夫若然

何得會鄆之時不列序而言單伯會齊侯乎莊十四年單伯會齊

侯于郚又自齊來魯何為書至乎文十四年齊人執單伯

女叔則左氏曰嘉之故不名莊二十五年來聘左氏釋之云爾結好者

多矣何獨嘉女叔乎公羊云書曰祭仲賢也不知天王

故見書字以廢君為賢害教之甚也義見桓十一年內外命卿

沒之後既不稱名當稱諡及字原仲莊二十七年公子友如陳葬原仲

夷伯僖十五年震夷伯之廟是也凡天子之三公稱公宰周公祭

類也此公其大夫氏字之尊王官也尊王官異於列國

南季尹子單穀之義士曰人示等差也天子之士比列國下大夫

也來則名之詳內以異外也來謂來魯也則書氏與名

是列國命卿皆名之三傳義降王室也降謂不書字也

謂之卿左氏以命於天子稱爲卿公君命之卿謂不請

羊穀梁皆謂之大夫言上大夫也會伐謂征伐及盟

者會伐稱人所以昭軌度別貴賤也會也謂不敢自同

於王命之卿時天子微弱諸侯陵僭雖合命於天子者

亦不請命故夫子皆但書曰某人以示威度且以譏諸

侯之自來則名之執齊人執鄭殺楚殺其大夫亦書之

紀刑辟紀其刑辟懲亂政也言皆因亂不稱氏以別乎

王命者也雖得稱名外來稱人皆下大夫也外來謂鄭

齊人來歸衛而不書其或異此例之變也內大夫稱字以示

外大夫名位差品既多諸家既不總論而各釋之或有

未悟今故總而序之又曰凡諸侯子弟稱公子以氏者

有二種曾受王命爲卿者以公子爲氏公子慶父之類

是也自此之外則被殺者非卿亦書公子重骨肉也不

公子無以知其骨肉相害也故不言大夫而直稱公子陳人殺公子

禦寇是也其不稱公子而以國帶名謂之國氏亦有二

種其君自命爲卿稱國以氏莒慶之類是也其篡弑及

爲國人所立則雖非君命之卿亦以國氏若不言國則

人齊無知弑其君衛晉衛人立鄭突突歸于曹赤赤歸

也諸兒之類是也公羊所謂國氏者是也或問曰列國之卿

唯左氏稱卿公穀但云大夫何也答曰大夫於王者但

稱大夫所謂上大夫也如今九命卿但國人加稱之即

曰卿亦猶侯伯之國呼其君亦其下大夫不在於經左

曰卿曰公此加稱耳非正名也

氏亦呼為大夫

亦如今呼少卿亦只言卿不言少卿也

則左氏據時世所

稱言之公穀依正名言之義可知也

兄弟

隱元年夏五月鄭伯克段于鄆

左氏曰段不弟故不言弟公穀意同

段是

弟以無弟心故不言弟兄亦如之衛州吁楚公子比之

類皆是也

並不言兄

舉此一例以明之他可知也

並無骨肉之心故不

弟也

隱七年夏齊侯使其弟年來聘

桓三年冬齊侯使其弟年來聘

將國命者大夫之事不以私見使故譏之也

十四年夏五鄭伯使其弟語來盟

宣十七年冬十有一月壬午公弟叔矜卒

喪之特書也

成十年春衛侯之弟黑背帥師侵鄭

義同齊年之聘

襄二十年秋陳侯之弟光出奔楚

穀梁稱弟罪其兄不能相容

二十三年夏陳侯之弟光自楚歸于陳

重諸侯之弟故書歸

秦鍼不書歸不告也

二十七年夏衛侯之弟鱣出奔晉

義同

三十年夏天王殺其弟佶夫

穀梁云譏天王也

昭元年夏秦伯之弟鍼出奔晉

義同

八年春陳侯

之弟招殺陳世子偃師

昭元年號之會招稱公子而云陳侯之弟者罪其殺

兄之子骨肉相害罪重於凡人也齊商人殺舍舍亦兄之子而不言弟者齊昭公已卒則商人無兄且殺君之罪重於兄子故從重者書之也二十年秋盜殺衛侯之兄

紕穀梁云目衛侯衛侯累也

定十年冬宋公之弟辰暨仲佗石彊出奔陳義同陳光

十一年春宋公之弟辰及仲佗石彊公子地自陳

入于蕭以叛弟而叛兄兩罪之也十四年秋宋公之弟辰

自蕭來奔義同陳光

穀梁云天子諸侯之尊弟兄不得以屬通何者君臣重

於兄弟也凡書兄弟皆有義也鄭段不弟故不言弟義見

隱元年公子偃蓋同此義左氏及公羊皆曰凡稱弟皆母

弟也蓋見諸侯之弟或稱弟或不稱弟不能通其義而

曲為此說且聖人之教雖及其兄弟之子猶引而進之

安有異母即見疎外乎非敦睦之道也穀梁之說是也

穀梁傳云國君之尊弟兄不得以屬通言書兄弟皆有義也然猶曰殺太子母弟目

君亦非也見晉侯殺其太子申生天王殺其弟佞夫妄為此說也或問曰君殺弟

及弟奔則書曰弟若殺若逐公子公孫雖不為卿亦書

曰公子公孫罪君虐其骨肉也義在殺及奔例而君之兄弟及

公子公孫殺君何不重其罪而依眾臣例書之乎荅曰

君殺臣逐臣義有輕重故可分別之弑君至逆罪無加

矣如加兄弟之罪為重則眾臣弑君未為極重歟太子

輕於君故於陳招書弟以明其重也人倫大紀君臣父

子其次則兄弟故諸侯兄弟來接於我及在國有大故

則書之以示勸戒

人

三傳皆稱卿有罪者貶之曰人夫人有善則欲人知之有惡則欲人掩之若有惡貶書曰某人適足以成姦人之計且未命者猶特書以懲惡豈既命者反隱其名乎凡稱人爲惡者唯楚子稱人以圍宋既在諸侯之上明貶之同夷狄也所以然者罪諸國從夷狄也義見僖二十七年其餘則宜申獻捷在僖二十一年并朝聘之禮用夷禮者曰人年人葛人之類也執諸侯及執他國大夫皆覽文可知其貶故可行也餘則不用此例矣經中一字徧施於諸例而義

不同者唯人字耳其通凡成例者義各見本例其不可推以成例而又不可別加褒貶者亦用人字以示義楚人使宜申來獻捷之類是也此所謂即文見義者也今略之于後

凡朝稱人夷狄之君也邾人牟人葛人來朝是也

凡聘稱人夷狄之臣也荆人來聘是也

凡列國使來稱人下大夫也齊人來歸衛寶鄭人來渝平之類是也

凡他國盟會稱人皆不命卿也王人則士也

凡公及他國大夫盟非大夫之過皆稱人及宋人盟于

宿之類是也

凡他國用兵稱人皆不命卿也宣公已前稱人者多遠事難詳從舊史也王人則士也

凡執諸侯執大夫皆稱人亂常也

唯成十五年執曹伯歸于京師書晉侯

凡弑君稱人曰賤人也

凡弑大夫稱人殺有罪也

凡殺弑君之賊皆稱人討有罪也

凡殺他國君卿稱人皆亂辭也

死者雖有罪殺君亦非治故曰亂辭也

凡放大夫稱人放有罪也蔡人放其大夫公孫獵于吳是也

右竝通凡成例義各見本部

僖二十一年冬楚人使宜申來獻捷

楚子伐宋故稱人狄之也

二十七年冬楚人陳侯蔡侯鄭伯許男圍宋

穀梁云人

楚子所以人諸侯也

宣四年春王正月公及齊侯平莒及邾莒人不肯

以其

不肯故人之也

十五年夏五月宋人及楚人平

稱人以平賤二

也

襄三十年冬晉人齊人宋人衛人鄭人曹人莒人邾

人滕人薛人杞人小邾人會于澶淵宋災故

左氏曰卿

不書不信也

右竝不可推以成例但用人字以示貶

氏

卿大夫稱氏者唯尹氏

隱三年尹氏卒昭二十三年尹氏立王子朝昭二十六年尹氏

以王子朝奔楚

武氏

隱三年武氏子來求賻

崔氏

宣十年崔氏出奔衛

皆譏世卿也

言氏則世卿之意可見也時世卿既多不可勝譏因尹氏私赴不以名因齊人崔氏出奔因武氏以子代父故特書之及尹氏立王子朝并以子朝奔楚皆以世卿亂王室故從而書之譏此數者足以見世卿之惡也

盜

襄十年冬盜殺鄭公子駢公子發公孫輒

昭二十年秋盜殺衛侯之兄縶

定八年冬盜竊寶玉大弓

哀四年春王二月庚戌盜殺蔡侯申 十三年冬盜

殺夏區夫

夫殺君及竊國之重寶事合書名而其人微名不合見經故經稱之曰盜公穀之說非也已見殺例中左氏云齊豹為衛司寇作而不義其書為盜齊豹殺衛侯之兄縶此蓋左氏不達春秋非上卿不書名妄云爾據上大夫殺君例書名齊豹若信是上大夫而書盜是乃殺君之兄罪大於殺君也

論特書

命卿已上有善有惡皆備書之足以彰示後代未命之

卿及眾大夫已下若一例書人何以懲勸故有特書之

義叛逆者雖非命卿亦書衛州吁弑其君完義見隱四年宋督弑其君捷義見莊十二年邾庶

君與夷義齊無知弑其君諸兒義見莊八年宋萬弑其君捷義見莊十二年邾庶

其襄二十一年以漆閭丘來奔莒牟夷昭五年以牟婁及防茲來奔黑肱昭二十一年以

濫來之類是也卿者君之股肱若奔及見殺亦國之大

故雖未命亦書之楚得臣僖二十八年殺之宋萬莊十二年奔陳宋子

哀文十四年來奔宋山成十五年殺之邾畀我襄二十三年奔陳邾快昭二十七年來

奔之類是也子哀之奔合義左氏成十五年傳不義宋公而來奔故書字

以褒之宋司城之歸不書亦疑是未命特書之也文公八年

來奔而無歸處凡殺公子公孫雖不為卿亦特書之陳禦寇莊十二年

殺之公子偃成十五年刺之莒意恢昭十四年殺之宋地定十年奔陳之

類是也其自以為君而來爭國者則不論命與不命皆

但名而已不言公子公孫言非復人臣也所謂當國者

也齊小白莊九年陽生哀六年邾捷菑文十四年莒去疾昭元年之

類是也楚比稱公子者初歸之志未爭國也昭十年齊糾

書子明正也莊九年外大夫特為魯事雖不來魯亦書其

名莒慶之盟是也僖二十五年公會于洮莒挈則我獲之而

書也僖元年公子友敗莒師于鄆獲莒挈楚屈完來附中國功美尤高故

同既命之例特進之也義見僖四年魯公子結莊十九年及齊侯宋公盟

能安國家美之也特書公子結以明之諸侯兄弟以國

連字者有蔡叔桓十二年柔會宋許叔因鄭亂而復蔡

季紀季蔡叔無子蔡人召之自陳歸見桓皆國而字之

言與君一體也魯宣公弟叔肸義見宣十七年季友義見僖十六年最

賢故於其卒字之以示惜而褒之也肸非命卿特書之

都論褒異

春秋時為惡者多貶者則眾其理易見其見褒者前已論訖今又總而序之樂道人之善也夫諸侯去國之美

者莫過於紀侯以國與季而去義見莊四年復歸之正者莫過於鄭

忽本太子也身雖蒙恥而爭國不克而死者莫過於子糾糾當立齊人殺之義見莊九年王師之正者莫過於子突救衛也義見莊六年

諸侯兄弟外附之美者莫過於紀季義見莊三年入繼之美

者莫過於蔡季次當立蔡人召之義見桓十七年興復之美者莫過於

許叔因鄭伯亂而能復國義見桓十五年魯公子兄弟之忠賢者莫過於

季友立僖公定社稷也義見閔二年其合義者莫過於叔肸不食宣公

宣十卿大夫死節之美者莫過於孔父正色立于朝則人莫敢致難於

其君者義見桓二年奔亡之美者莫過於子哀不義宋公而來奔義見文公十四年

歸正之大者莫過於屈完服齊桓也義見僖四年守職不失者莫

過於司城司馬

義見文公八年

存鄰國之美者莫過於高子

閔元

年來

仲孫

閔元年來省難

故皆褻而進之如曰不然請聞其論

蔡叔

桓十年盟于折傳不詳其事迹

不見事迹蓋亦美之

襍字例第三十三

春秋之文至簡故字皆有義但見其文則知其義必須解釋但相承曲說遂令迷其指歸何者夫子制作本教中人故簡易其文昭著其義若能以質直見之則可不俟傳註而自通矣故言滅國則知滅者之罪見諸侯生名則知非復人君見言歸則正此類皆文勢常理何必立異乎又上言伐衛次言王人救衛下言衛侯朔入于

衛則知逆王命

義見莊六年

又上言成宋亂下言納鼎則知

貪賂縱罪

義見桓二年

見正月烝五月烝則知黷祀

義見桓八年

凡此類則上下相應而見其理并一事再見卒名

公于遂如

齊逆女遂以夫人至自齊之類也

前日後凡

謂前列序後但言諸侯也

皆存簡易之

道諸事各從本篇論之而文義或有未盡者今皆序之

以用立吉不肯

公羊穀梁皆云以者不宜以也用者不宜用也立者不宜立也吉者不可以吉也不肯者可以肯也如此類甚多謂若宜以宜用宜立宜吉宜不肯則不書也以者行其意也皆謂能制之也劉單以王猛

義見昭二十二年

尹氏以

王子朝

義見昭二
十六年

遂僑如以夫人

至自齊也義
見婚姻例中

及以他

國之師

義見用
兵例中

皆不宜以者也用者用節子

十九年邾
子用之

蔡太子

昭十一年楚滅蔡執
蔡太子有以歸用之

用牲用幣

已見郊
社例中

用致夫

人

見廟
例中

亦皆不宜用也立者立武宮

在成煬
六年

宮

在定
元年

立晉立王子朝

在昭二
十三年

皆不宜立也立晉

得變之正故不言石碯以許之也

還復

公羊云還善辭也比復為善也穀梁云還者事未畢復

者事畢文正倒也當為還者事畢復者事未畢師還

八年公還自晉

文十
三年

歸父還自晉

在宣十
八年

士句聞齊侯卒

乃還

襄十
九年

皆不當更往又竝合禮故曰還事畢也善辭

也公如晉至河乃復

昭二十三年公如晉至
河公有疾乃復之類也

公孫敖如

京師不至而復

在文八年
從莒女也

仲遂至黃乃復

在宣八年
有疾而復

皆事未畢而復也故知穀梁之說例倒也

求告乞

求者得未得未可知也

求購求
車之類

乞者亦然而又重辭乞

盟乞師皆可重故特曰乞重辭是也告糴不言乞者以

用財置之彼此之利不比乞師乞盟也

獻錫畀假

獻獻上也

獻捷
之類

錫錫下也

來錫公
命之類

畀與也

僖二十八
年執曹伯畀宋

人謂非上非下者也三者據尊卑言之三者謂獻錫鼎也假借

也鄭伯以璧假許田謂易田遜辭也

得獲克

用力禽之曰獲獲人之類也獲華元獲麟是也非用力禽之曰

得得寶玉是也在定九年克段于鄆在隱元年能破之也不克納

文十四年晉人納捷菑于邾不克納不克葬宣八年葬我小君敬嬴兩不克葬皆謂不成

納不成葬也左氏曰得雋曰克春秋意在辨邪正豈論

雋哉

辭

之乃而之類皆辭俗謂之語助也穀梁云之于緩辭也之口緩

辭也乃亡乎人之辭也而緩辭也穀梁迂僻之甚且之

但以便聲而言何有緩辭乎執衛侯歸之于京師義見倍二

十八年亦從強說至于郊牛之口日有食之殺之用之

類豈得稱緩辭乎故皆不足從也若言乃難於而宣八年葬

敬嬴則云日中而葬定十五年葬定公則云日下昃乃克葬也則是也又曰既者盡而

有繼之辭日有食之既之類是也且者兼之之辭歸含且此說竝

通故用之也

出來歸入納取

凡出者自國而出來者自外而來此竝據事實書之其邪正各隨事之是非不以此二字為褒貶也唯天子及

周大夫出即以書出為貶王者無外故也此以出為貶也唯內

女不當歸寧禮父母沒不則書來以示貶男女之禮合

禮者不書故也常事既不書書即為貶故知歸字其義

亦非一諸侯及大夫反國者有歸與復歸之義見歸內

女嫁于外亦曰歸三傳並云婦人謂嫁曰歸外將物與我亦曰歸天

使宰咺來歸惠公仲子之賵齊人我將物與外亦曰歸王

來歸衛寶之類曰歸者來致辭也諸侯用兵破敵國將其君同還亦曰歸莊十年

歸栗于蔡是也除諸侯歸入之外諸事各以本事為邪正義

于莘以蔡侯獻武歸不以歸字為褒貶也入字亦有數諸侯反國有人

與復入之義見歸用兵入敵國亦曰入見用故入者多

見本

非善也庚寅我入邠隱八年亦不可入也紀季以鄆入于

齊莊三年既不可言叛故言入亦明非正所以罪齊也而

書季以明季之無罪天王入于成周記其自外而入不

同諸侯之貶義見歸取字已見用兵例自此之外有取

郟大鼎于宋桓二年齊人取子糾殺之莊九年亦竝不當取

也以前字竝為交互涉嫌故分析之其他不足疑者不

復論也初者遂以為常也初獻六羽初稅畝之類是也

作者皆不宜作也新作南門作僖公主是也致者不宜

致也用致夫人如宋致女是也常事曰視視朔是也非

常曰觀觀魚觀社是也如此之類竝更無交互所以不

復悉舉之也凡以者不宜以也用者不宜用也立者不宜立也略舉數字觸類皆然此竝為春秋省文以一字為褒貶合禮者則常事不書故凡此等皆以示譏耳此止施於春秋義例之內不可徧求之於五經也學者宜知之

春秋啖趙集傳纂例卷八

番禺劉昌齡黎永椿王國瑞校字

春秋啖趙集傳纂例卷九

唐陸淳纂

諱義例第三十四

啖子曰公羊云春秋為賢者諱為尊者諱穀梁云為尊者諱恥為親者諱疾為賢者諱過舊說隱諱也乃隱其惡耳若隱其惡何名為直筆乎蓋諱避之也避其名而遜其辭以示尊敬也猶魯諱具敖以鄉名山非謂隱諱言魯無此山也但諱為避則近春秋之義也今言他人之遇屯否罪戾死喪恥辱則正言之至於所尊所敬則婉順言之此蓋是人情常理春秋諱避之道亦爾公夫

人見殺及魯師敗不書不可斥言也公則以不地見殺
 夫人則以齊人以尸歸見殺師敗則書戰而已舉例而
 見意凡惡事必須書者則避辭言之猶公夫人奔則曰
 孫殺大夫曰刺之類是也趙子曰凡君之過惡以諱為
 示譏見其避諱亦足以知其不當為也桓公元年璧假許田之類是也
 為尊者諱不書王師戰但言敗績于某而已不言天王奔及出但書
 居而已凡伯不言執義見隱七年及不書魯君弑但書公薨君敗臣
 師則曰克鄭伯克段于鄆之類是也魯君殺大夫則曰刺刺公子偃之類公
 與王人盟則不言公及蘇子盟于女栗之類是也但存其禮而已為
 親者諱謂魯與二國仇敵而有屈辱之時則避其辭不

書魯師敗但書戰而已入邾則先言公伐邾下但言入邾義見哀七年
 但遜其辭而不隱其實又穀梁云為尊者諱恥為
 親者諱疾觀經意為尊者親者之諱亦隨事有宜不可
 定言為尊者諱恥則親者之恥不諱乎至於為賢者諱
 過則都妄也公羊亦多言為賢者諱考其義理一無通
 者又公羊曰外大惡書小惡不書內大惡不書小惡書
 殊非也立教之體事無巨細皆論其可否何得論其小
 大乎且外事於例合書即書小小侵伐等及大夫出奔
 已來悉書之何名小惡不書乎內惡如弑君等但隱避
 其文以示臣禮然而不地不葬以見事實至於諸惡無

不書者何言大惡不書乎

日月為例義第三十五

啖子曰公穀多以日月為例或以書日為美或以為惡夫美惡在於事迹見其文足以知其褒貶日月之例復何為哉假如書曰春正月叛逆與言甲子之日叛逆又何差異乎故知皆穿鑿妄說也假如用之則踳駁至甚無一事得通明非春秋之意審矣左氏唯卿卒以日月為例亦自相乖戾左氏諸事皆不以日月為例何獨於卿卒皆生此文故知妄耳杜元凱曰凡朝聘會遇侵伐用兵執殺土功之屬例不書日盟戰敗人滅崩薨卒葬弑君日食之屬例多書日自文

公以前書日者凡二百四十九宣公以下書日者四百三十二年數略同而日數加倍故知久遠遺落不與近同予竊謂公羊所謂不日遠也所見異辭所聞異辭亦久遠多遺落也凡例當書而不書者皆舊史之文明非褒貶所要也例當書日而不書者蓋為遺闕其例不當書日而書者皆有意也義各見本傳杜元凱云經首不書王者為王室不班歷故不書王也檢尋二百四十二年除桓公之外應年首之事未有事在書時之例而書王者亦未有事在書日月之例而不言者則知自緣史體成文不關歷也

即位

凡公即位皆不記日以其必是朔日故也唯定公以昭公之喪六月乃至故書日以明其既殯而即位且志非常也

郊廟

凡郊及廟祭皆記日敬大事也其或不日者唯僖八年七月禘于太廟不日闕文也其泛序郊廟即不日非祭事故也謂卜郊及丹楹等其雩祀為記旱之所在而非正祭故月而不日其社祭自有定日其他所載者皆禘事爾故亦不日禘事謂鼓用牲也

婚姻

凡婚姻禮初往納幣及逆女不知定成否故依聘例書時
凡逆夫人至國禮既定成故至時書月唯莊公逆文姜以取讎女之故特變文書入而又書日以示急切
凡他國以婚事至納例皆書月重婚禮也
凡內女歸外永離本國故亦書月外女歸外者情不比內但書其時
凡內女自夫家來者但書時不比嫁時也
凡內女被出即書月事切於常也夫人被出亦如之

崩薨卒葬

凡崩薨卒葬例書日重喪事也雖未踰年之君卒亦書日葬書月以紀得禮失禮也

朝聘如

凡諸侯來朝常事也但紀其時僖十四年夏六月季姬使郟子來朝以事異特

書月也

凡諸侯以喪事來即書月奔喪會葬是也

凡他國使使來聘亦常事也故但書時禘事來者亦書

時其有事大者乃書月耳天王錫命是也

凡公如京師及如他國合書月或不書者因舊史也故

夫子存其書月者以示義也

凡內大夫如外常事但書時會葬者即書月為葬生文

也文六年公子遂如晉葬襄公是也他皆放此

凡盟結二國之好國之重大事故例皆書日內盟有不書

者闕文外盟多不書者或告辭略闕文也其來盟及莅

盟不書日者來盟者不以至日莅盟者但紀其去盟時

所以不日也

凡平者皆書月事輕於盟也

凡公會諸侯皆書月重公也

凡外諸侯會皆但書時

凡內大夫會外大夫亦不書月

凡公與諸侯遇理合書月不書者因舊史也

用兵

凡諸侯相侵伐例但書時輕於入滅等故也

凡內侵伐當書月經中書月者少因舊史也故夫子存其書月者以示義也

凡內被侵伐當書月經中書月者少不書者多意與上同

凡內與外其侵伐義亦同上

凡圍襲追等用日月與侵伐竝同

凡內與外取國邑悉書月重於侵伐也

凡內外救皆書月竊記其善也案竊字疑誤

凡內外次例但書時

凡遷皆書月重於侵伐也降齊人克鄭伯竝同此例

凡奔師鄭奔其師殲齊人亡梁皆積久自致非一日之事

故不書日

凡內兵入他國例合書日不書日者史闕文也

凡戰及敗及滅及焚焚咸皆書日事重故也

軍旅

凡軍旅禠事唯大閱及治兵是一日之事故書日其餘

但記非常及改作故隨事輕重或月或時以明變常之始耳故皆不書其日

蒐狩

凡蒐狩之禮四時有常變者則書紀其失也故但著其時桓四年公狩于郎為公非禮之行故書月也

賦稅

凡賦稅但記變常之時故不必標其日月

興作

凡興作皆合於農隙故但紀其時是非著矣僖二年正月城楚丘內為外城故特書月

改革

凡改革但紀其初故唯書月不必言日唯躋僖公書日者為上言祭故也

大事祭也

慶瑞

凡有年冬收後則知之故但紀時耳西狩獲麟依狩例書也

災異

凡日食皆書朔及日其不書日皆史闕文也其不書朔者則或非朔日

例見隱三年

凡星變及隕者有定日有書其月者或彌月或累月故

不可書日也

凡山崩地震皆一日之事故書日

凡內災皆書日內事自詳也

凡外災或書月或書時莫能定知也故外事皆略也昭

十八年夏四月壬午宋衛陳鄭災皆書日者以四國同

日有災天下所異故可得而書也

凡水旱皆書時者為其久乃成災故不可書日月也

凡不雨皆書月既不成災但記其若干月不雨耳

凡雨雪不踰時但以為災故書即不書日月也隱九

年三月今之正月癸酉大雨震電庚辰大雨雪書日者言震

後復雪舉其異且與震相近也桓八年冬十月雨雪今之

月八記非時也故書月昭三年冬大雨雹亦記非時也

凡冰霜皆記異無冰記時者彌時無之記月者其月無

之冬霜不殺草彌冬不寒也十月隕霜記其早也今之八月

凡蝻災多書時明累月有之不在一月也其書月者即

當月有之不連月也其書時者即連月有之也其記蟲

及禽獸以異書者但記其異故不假日月也

凡歲饑年終之事故不繫於日月也皆以冬後書之

殺

凡弑君皆書日大其事也殺他國君亦然

凡外殺公子大夫皆但書時降於君也內刺公子大夫
即書日比之卒也

執

凡執諸侯皆書月

凡諸侯執他國大夫皆書時若執魯大夫即書月異於外也

放奔叛

凡天王出魯公大夫出孫皆書月而不書日者出與至
彼不同日故不書日也

凡諸侯出奔皆書月大夫奔及逃叛則但書時內大夫
奔即書月

歸入納至

凡天王歸入例書月此魯不定知王室事故諸侯歸入

納亦然大夫歸入但書時

凡公自外還至國皆書月內大夫至但書時不可比君
也

序例

凡合書日而或不書者蓋告辭不具或舊史脫闕不合

書日而或書者因舊史誤不削耳內大夫奔有書日是

凡合書月而不書者其故有三焉一則隱公時不書正
月以明讓德故隱公時悉無正月二則為同月上文已

有事也

如莊元年王使榮叔來錫公命合書月為同月上文云冬十月陳侯林卒不可更言十月也他

皆放

三則舊史闕文也

舊史脫不書月故因不書

凡不合書月而書月其故亦有三焉一則同月下文有

大事須書月故上文亦書之

如隱元年冬十二月祭伯來不合書月下文公子益

師卒故須書之他皆放此

二則同時上文有大事書月矣若下文不

書月則亦同月故以別之

意與上同

三則舊史存之誤不削

耳

凡用日月史體當耳非褒貶之意故經文組成大體亦

不知精加考覈理可知也

又僖十六年傳曰凡日事而遇晦朔則書

言事合書日者又值晦朔

則書晦朔也

正歷數也

言因記晦朔以為推歷之證驗也

謂僖十五年己卯

晦震夷伯之廟僖十六年戊申朔隕石于宋五成十六

年甲午晦戰于鄆陵是也

脫繆略第三十六

隱三年春王二月己巳日有食之

桓元年春王正月

誤加王字義見本傳

二年春王正月

義同元年

四年無秋冬

五年甲戌己丑陳侯鮑卒

甲戌下脫也

七年無秋冬

十年春王正月

義同元年

十二年

冬丙戌公會鄭伯盟于武父丙戌衛侯晉卒

多丙戌

十四年夏五鄭伯使其弟語來盟

十七年冬

十月朔日有食之 十八年春王正月義同元年

莊十八年王三月日有食之 二十二年夏五月以

月首二十四年冬郭公

僖十二年王三月庚午日有食之 十五年夏五月

日有食之

宣二年春王二月壬子宋華元帥師及鄆公子歸生

帥師戰于大棘宋師敗績獲宋華元重言宋衍文 八

年秋七月甲子日有食之既 十年夏四月丙辰

日有食之 十七年夏六月癸卯日有食之

襄十五年秋八月丁巳日有食之

昭十年無冬字

定六年夏季孫斯仲孫忌帥師圍費仲孫名何忌無何字闕文也

十四年無冬

啖子曰夏五之下必知脫月字在桓十四年 郭公之下必知

有字在莊二十四年 四時不具者亦必知是脫此類多不復舉也 其餘

不可得而詳也左氏傳事迹倒錯者甚多文十二年傳

言杞伯請無絕婚當在成八年也襄四年夫人妣氏薨

傳曰不殯于廟無櫬不虞宜在定十五年妣氏卒下吳

侵陳傳云延州來季子帥師計此時季子縱存亦近百歲矣故知誤也 此傳

當在前數十年如此類甚多不可備舉皆由作傳之人

采舊說既多故不免有所交錯公羊例不言會當在公經下而誤在會下已見會穀梁虞山林藪澤之利當在築鹿囿之下而誤在築微下此例亦甚多皆由傳文本別為卷後人散配經文不免至差舛也竝略舉例爾其類甚多

三傳經文差繆略第三十七

趙子曰三傳經不同者或以音相近而致誤昧蔑潛岑之類是也有字義同而文異者帥率克剋之類是也有穿鑿而改易者裂繻君氏之類是也有字體相似而致誤者括結嘉喜之類是也有義類致誤者及會侵伐之

類是也有端然而誤者衛俘弋氏之類是也又有誤脫者其類非一今編之如後

隱元年三月公及邾儀父盟於昧昧左氏作蔑邾公羊皆作邾婁齊人

語夏五月鄭伯克段于鄆克公羊作剋二年春公

會戎于潛公羊作岑夏無駭帥師入極駭穀梁作佻帥公羊作率

秋九月紀履緌來逆女履緌左氏作裂繻誤也冬紀子伯

莒子盟于密伯左氏作帛非也三年夏四月辛卯尹氏

卒尹左氏作君誤也冬葬宋穆公公穀作繆四年春戊申

衛州吁殺其君完州吁穀梁作祝吁殺君公羊皆作弑君五年春

公觀魚于棠觀左氏作矢秋衛師入郕公羊作盛六年

春鄭人來渝平渝公穀皆作輸非也八年春三月鄭伯使

宛來歸邴邴左氏作祜秋九月辛卯公及莒人盟于

包來包左氏作浮冬十有二月無駭卒駭公穀作核九

年冬公會齊侯于防防公羊作邴十年秋宋人蔡人

衛人伐戴戴公羊穀作載十一年夏五月公會鄆伯

于時來左氏無五月字時來公羊作邴黎

桓二年秋七月杞侯來朝杞公穀作紀左氏有事迹故從之五年

夏天王使仍叔之子來聘仍穀梁作任螽螽公羊作蠧

六年夏四月公會紀侯于成成穀梁作邾十一年秋

公會宋公子夫鍾鍾公羊作童十二年夏六月王寅

公會杞侯莒子盟于曲池杞公穀作紀曲池公羊作歐蛇秋公

會宋公子虛虛公羊作邾十四年夏五月鄭伯使其

弟語來盟語穀梁作禦十五年夏公會齊侯于蒿蒿公

冬十一月公會宋公衛侯陳侯于袤伐鄭袤公羊作倭

十七年二月丙午公及邾儀父盟于趨及左氏作會或

夏五月丙午及齊師戰于奚左氏公羊無夏字穀

莊元年夏單伯逆王姬逆左氏作送誤也單伯魯大夫也義具名位例故知言送

二年冬十有二月夫人姜氏會齊侯于禚禚公

也

三年冬公次于郎郎左氏作滑四年春王二

月夫人姜氏饗齊侯于祝丘饗左氏作享冬公及齊

人狩于郟郟左氏作禚五年秋邾黎來來朝邾公羊作倪

六年冬齊人來歸衛寶寶左氏作倅誤也七年夏四月

辛卯夜恒星不見夜穀梁作昔非也夜中星隕如雨隕公

八年春甲午治兵治公羊作祠非也周禮有治兵禮也九

年春公及齊大夫盟于蕪蕪公羊作暨夏公伐齊納

糾糾左氏作子糾十年冬十月齊師滅譚十月公羊作十一月

十二年秋八月甲午宋萬弑其君捷捷公羊作捷

十三年春齊侯宋人陳人蔡人邾人會于北杏齊侯

穀梁作齊人十六年冬十有二月會齊侯宋公陳侯

衛侯鄭伯許男曹伯滑伯滕子同盟于幽公羊作公會左

氏無曹伯字十七年春齊人執鄭詹詹公羊作詹夏齊

人殲于遂殲公羊作殲十八年秋有蝥蝥作蝥三傳皆然

二十年冬齊人伐我戎穀梁作我二十四年冬曹羈

出奔陳羈公羊作羈二十六年秋公會宋人齊人伐

徐左氏無公字二十八年秋荆伐鄭會齊人宋人救

鄭公羊作公會齊人宋人救冬築微微左氏作郟臧孫辰

告糴于齊辰穀梁作臣三十年秋七月齊人降彰彰左

障氏作

閔元年秋公及齊侯盟于洛姑洛左氏 二年秋八

月辛丑公薨丑公羊

僖元年夏六月邢遷于夷儀夷儀公穀皆作陳儀 秋公會齊

侯宋公鄭伯曹伯邾人于榿榿公羊 九月公敗

邾師于偃公羊 冬十月壬午公子友帥師敗莒

師于麗獲莒挈麗左氏作鄆 二年夏虞師晉師

滅下陽下公穀作夏據上陽下陽俱虢邑都故左氏為是也 秋九月齊侯

宋公江人黃人盟于貫貫公羊 四年春許男新

臣卒新公羊 齊人執陳袁濤塗袁左氏 冬十

有二月公孫茲帥師會齊人宋人衛人鄭人許人

曹人侵陳公孫茲公 五年夏公及齊侯宋公陳

侯衛侯鄭伯許男曹伯會王世子于首戴戴左氏

七年秋七月公會齊侯宋公陳世子款盟于寧

母左氏陳世子款下又有鄭世 曹伯般卒般左

子華誤加之也寧左氏作甯 九年秋晉侯嵬諸卒嵬公羊 十年春晉

里克殺其君卓卓公羊 冬大雨雪雪公羊 十

一年春晉殺其大夫丕鄭父丕公羊 十二年冬

十有二月丁丑陳侯杵臼卒杵公羊 十四年夏

六月季姬及鄆子遇于防使鄆子來朝鄆穀梁

秋八月辛卯沙鹿崩鹿公羊作鹿 案此條經文

鹿據陸氏別白言之知公羊與二家不同說文麓字下引春秋傳曰沙麓崩許書叙傳春秋左氏是古經左氏作麓也漢書五行志引穀梁傳亦作麓是左穀皆作麓獨公羊作鹿耳

年春公會齊侯宋公陳侯鄭伯許男曹伯盟于牡

丘左氏陳侯下又有衛侯公羊亦有衛侯而在陳侯之上十六年春王正

月是月六鷓退飛過宋都是公羊作提誤也鷓左氏公羊作鷓十

七年秋夫人姜氏會齊侯于卞公羊左氏或作弁十九

年夏六月宋人曹人邾人盟于曹南宋人左氏穀梁竝作宋公

也誤二十年夏郕子來朝郕穀梁作邾二十一年秋

宋公楚子陳侯蔡侯鄭伯許男曹伯會于亳雩左氏孟公羊作霍

穀梁或作字 二十二年春取須句公羊作須胸二

十三年春齊侯伐宋圍緡穀梁作閔二十六年春王

正月己未公會莒子衛甯速盟于向速公羊作邀公

追齊師至囂弗及囂公羊左氏或作鄒秋楚人滅夔以夔

子歸夔公羊作隗二十八年冬公會晉侯宋公蔡侯

鄭伯陳子莒子邾子秦人于温左氏晉侯下有齊侯二十

九年夏六月會王人晉人宋人齊人陳人蔡人秦

人盟于翟泉會公羊作公會三十二年夏四月己丑鄭

伯捷卒捷公羊皆作接三十三年夏公伐邾取訾婁公羊

邾作邾婁訾婁作叢穀梁作訾樓

文元年春二月癸亥日有食之公羊有朔字二年夏六

月公孫敖會宋公陳侯鄭伯晉士穀盟于垂歛左

隴 九年冬楚子使椒來聘椒穀梁作菽

宣元年秋宋公陳侯衛侯曹伯會晉師于棐林伐鄭

棐公羊作斐 冬晉趙穿帥師侵崇崇公羊作柳 二年秋

九月己丑晉趙盾弑其君夷臯臯公羊作獬 三年春

楚子伐陸渾之戎陸渾公羊作賁渾 五年秋九月齊高

固來逆子叔姬左氏無字 八年夏夫人嬴氏薨公穀作

竝作熊氏 楚人滅舒蓼蓼穀梁作鄆 葬我小君敬

義見下 嬴公穀作頃熊趙子云頃是惡諡宣公追尊其母不應加惡諡也 十年秋公孫

歸父帥師伐邾取繹繹公羊作蕚 十一年夏楚子陳

侯鄭伯盟于辰陵辰穀梁作夷 十三年春齊師伐莒

莒公羊作衛 十五年秋仲孫蔑會齊高固于無婁無公

羊作牟 饑公羊無此經 十六年夏成周宣榭火火公穀作

災榭公羊作謝 十八年秋楚子旅卒旅穀梁作呂 冬歸父

還自晉至櫪遂奔齊櫪左氏作筮

成元年秋王師敗績于貿戎貿左氏作茅 二年六月癸

酉季孫行父臧孫許叔孫僑如公孫嬰齊帥師會

晉卻克衛孫良夫曹公子手及齊師戰于鞏齊師

敗績手左氏作首 秋七月己酉及國佐盟于袁婁袁穀

爰梁作 冬公及楚人秦人宋人陳人衛人鄭人齊

人許人曹人邾人薛人鄆人盟于蜀

左氏無許人

三年秋晉郤克衛孫良夫伐牆咎如

牆咎如將

四年春鄭伯堅卒

堅公羊作姬○案姬當作經今

年鄭伯絕卒云絕古堅字段

五年夏叔孫僑如

會晉荀首于穀

首公羊

六年冬晉欒書帥師救

鄭

救公羊

七年秋公會晉侯宋公衛侯曹伯莒

子邾子杞伯救鄭

左氏晉侯下有齊侯

吳入州來

公穀皆作州萊

十二年夏公會晉侯衛侯于瑣澤

瑣公羊

十

六年秋晉人執季孫行父舍之于莒

莒公羊

十七年春衛北宮括帥師侵鄭

括公羊

秋晉侯

使荀罃來乞師

罃公羊

冬公孫嬰齊卒于狸

脈公羊作軫

十八年冬晉侯使士魴來乞師

魴公羊作蜃

襄元年夏仲孫蔑會齊崔杼曹人杞人邾人次于鄆

鄆公穀皆作合○案此鄆當作鄆段

四年秋七

月戊子夫人嬖氏薨

嬖氏公羊

八月辛亥葬我

小君定姒

嬖公羊

五年夏仲孫蔑衛孫林父會

吳于善稻

稻左氏

冬公會晉侯宋公衛侯鄭伯

案此下當有曹

莒子邾子滕子薛伯齊世子光

救陳

左氏無莒邾

六年夏宋華弱來奔

弱公羊

七年冬鄭伯髡原如會未見諸侯丙戌卒于操

原左氏作頑操作鄆

八年夏鄭人侵蔡獲蔡公子燮燮穀梁作

涇

十年夏遂滅偃陽偃穀梁作傅冬盜殺鄭公子

駢駢公穀作斐據字駢子駟宜為駢也

十一年秋七月己未同盟

于京城北京左氏作亳

十二年莒人伐我東鄙圍郕

郕左氏皆作台○案左氏下當有公羊字

十三年夏取郟郟公羊作詩

十四年春王正月季孫宿叔老會晉士匄齊人宋

人衛人鄭公孫蘆曹人莒人邾人滕人薛人杞人

小邾人會吳于向蘆公羊作嚮

夏衛侯衎出奔齊左氏

無衍字

十五年夏季孫宿叔孫豹帥師城成郛成公

郛羊作

十六年秋齊侯伐我北鄙圍成成公羊作郛

十七年春王二月庚午邾子矰卒矰左氏作輕秋齊

侯伐我北鄙圍桃桃公羊作洮

齊高厚帥師伐我北

鄙圍防左氏無齊字

十八年秋齊侯伐我北鄙侯公羊作

師左氏或作師

十九年春王正月諸侯盟于祝柯柯公羊作

阿秋鄭殺其大夫公子嘉嘉公羊作喜

二十三年

夏邾界我來奔界公羊作鼻

秋叔孫豹帥師救晉次

于雍俞左氏作榆穀梁作渝

二十五年冬鄭公孫夏帥師

伐陳夏公羊作嚙

十有二月吳子謁伐楚門于巢卒

謁左氏作遏

二十七年夏叔孫豹會晉趙武楚屈建

蔡公孫歸生衛石惡陳孔奐鄭良霄許人曹人于

宋奐公羊作瑗衛侯之弟鱣出奔晉鱣穀梁作專二十

九年夏仲孫羯會晉荀盈齊高止宋華定衛世叔

儀鄭公孫段曹人莒人邾人滕人薛人小邾人城

杞儀公羊作齊左氏無邾人三十年春王正月楚子使遫罷

來聘罷公羊作頗五月甲午宋災伯姬卒左氏災下又有宋字

衍文也秋葬宋共姬穀梁葬字下無宋字

昭元年春叔孫豹會晉趙武楚公子圍齊國弱宋向

戌衛齊惡陳公子招蔡公孫歸生鄭罕虎許人曹

人于澠澠左氏作號穀梁作郭國弱公羊作國酌並聲亂齊惡公羊作石惡誤也夏

晉荀吳帥師敗狄于太原原左氏經作鹵傳作原二傳經作原傳作鹵與

左氏正相反未知孰是葛展展左氏作展輿冬十有一

月己酉楚子卷卒卷左氏作麋四年春大雨雹穀梁或作雪

秋遂滅厲厲左氏作賴五年秋叔弓帥師敗莒

師于瀆泉瀆左氏作蚡穀梁作賁七年叔孫婁如齊莅盟

婁公羊皆作舍九年夏四月陳災災公穀皆作火誤也十年夏

齊欒施來奔齊公羊皆作晉秋季孫意如叔弓仲孫矍

帥師伐莒意如公羊皆作隱如十有二月甲子宋公成卒

公羊作戌十一年春王二月叔弓如宋二月公羊作正月

夏四月丁巳楚子虔誘蔡侯般殺之于申虔穀梁作乾

仲孫矍會邾子盟于祿祥祿祥公羊 秋季孫

意如會晉韓起齊國弱宋華亥衛北宮佗鄭罕虎

曹人杞人于厥憇厥憇公羊 冬十月丁酉楚師

滅蔡執蔡世子有以歸用之有穀梁 十二年春

齊高偃帥師納北燕伯于陽北燕伯左氏 夏楚

殺其大夫成熊熊穀梁作虎 十三年秋八月甲

戌同盟于平丘甲戌穀梁 十五年春王正月吳

子夷末卒未公羊 夏蔡朝吳出奔鄭公羊朝作

字 十六年春楚子誘戎蠻子殺之蠻公羊 秋

八月己亥晉侯夷卒亥公羊 冬十月葬晉昭公

十月公羊 二十年夏曹公孫會自鄆出奔宋穀

梁作 秋盜殺衛侯之兄縶縶公穀作輒按衛侯

冬十月宋華亥向寧華定出奔陳寧公羊 二

十一年秋叔輒卒輒公羊 冬蔡侯朱出奔楚穀

梁作 二十二年春大蒐于昌間間公羊 二十

三年秋胡子髡沈子盈滅盈左氏作湮 冬公如

晉至河有疾乃復公穀河字下 二十四年秋杞

伯郁釐卒郁公羊 二十五年夏叔倪會晉趙鞅

宋樂大心衛北宮喜鄭游吉曹人邾人滕人薛人

小邾人于黃父倪左氏作詣大 有鸛鶴來巢鸛

羊作 秋九月乙亥公孫于齊乙亥左氏公次

于陽州陽公羊 作楊 二十六年夏公圍成成公羊 作廊

三十年冬十有二月吳滅徐徐子章羽奔楚羽公 羊作

三十一年春季孫意如會晉荀櫟于適歷櫟 左

氏作 三十二年冬仲孫何忌會晉韓不信齊高

張宋仲幾衛世叔申鄭國參曹人莒人杞人

小邾人城成周世叔穀梁 作大叔

定元年冬十月隕霜殺叔叔公羊 作菽 四年夏四月庚

辰蔡公孫姓帥師滅沈姓公羊 作歸姓 五月公及諸侯

盟于臯鼬臯鼬公羊 作浩由 冬十有一月庚午蔡侯以

吳子及楚人戰于柏舉楚師敗績柏舉公羊 作伯莒 庚辰

吳入楚左氏作 郢誤也 五年春王三月辛亥朔日有食

之三公羊 作正 七年秋齊侯衛侯盟于沙沙公羊 作沙澤

八年秋晉士鞅帥師侵鄭遂侵衛公羊作 趙鞅 九年

夏四月戊申鄭伯蠆卒蠆公羊 作蠆 十年夏公會齊

侯于頰谷頰左氏 作夾 秋叔孫州仇仲孫何忌帥師

圍郕郕公羊作 費誤也 宋公子地出奔陳公子地公羊 皆作公子池

冬齊侯衛侯鄭游速會于安甫安甫公羊 作鞏父 十

二年冬十月癸亥公會齊侯盟于黃齊公羊 作晉 十

三年春齊侯衛侯次于垂葭葭公羊作 穀梁無衛侯 冬晉

荀寅士吉射入于朝歌以叛公羊荀寅下又有及字 十四

年春衛趙陽出奔宋衛公羊作晉 二月辛巳楚公子

結陳公孫佗人帥師滅頓以頓子牂歸公孫公羊作公子牂

作 五月於越敗吳于檇李檇公羊作醉 公會齊侯

衛侯于牽公羊作堅 十五年夏齊侯次于渠蔭渠左氏作

遽 秋七月壬申妘氏卒妘穀梁作弋 秋葬我君定

公雨不克葬戊午日下昃乃克葬穀梁作稷 秋葬

定妘穀梁作弋

哀元年夏四月辛巳郊饘息食郊牛穀梁牛下有角字 二

年秋八月甲戌晉趙鞅帥師及鄭罕達戰于鐵鄭

師敗績鐵公羊或作栗或作秩 三年夏季孫斯叔孫州仇

帥師城啟陽啟公羊作開 四年六月辛丑亳社災亳公

羊作蒲 五年春城毗毗公羊作比 六年春城邾瑕瑕公

羊作葭 秋齊陳乞殺其君荼荼公羊作舍誤也 八年夏

齊人取謹及闡闡公羊作憚 十年夏薛伯夷卒夷公羊作

寅 十二年秋公會衛侯宋皇瑗于鄆鄆公羊作運

十三年夏許男成卒成公羊作戌 晉魏曼多帥師侵

衛公羊無曼字脫也 冬盜殺陳夏區夫區公羊作疆

以前凡二百四十處案今以上文計之凡二百三十七處闕三處

趙子曰凡三傳經文不同考校義理必知其誤者則從
理正而定之若俱無別義則從多書之內有事迹如三
傳竝不同桓十五年盟于蒿之類亦考其有理者為定如悉無別
義從左氏為定為左氏多說事迹恐或在公穀前也今
按所有義可推者竝見於本經註云

續添

三傳經文差繆補闕

隱九年春三月庚辰挾卒

挾公羊穀梁作挾

桓十四年冬宋人以齊人衛人蔡人陳人伐鄭

左氏穀梁

衛人在蔡人之下

莊八年夏師及齊師圍邾

邾公羊作成

十五年秋宋人

齊人邾人伐邾

邾公羊作兒

二十二年春王正月肆

大眚

眚公羊作省

二十六年春公伐戎

公羊無春字

三

十年夏次于成

公羊穀梁作師次于成

三十二年冬十月

己未

公羊穀梁作乙未

僖三年冬公子友如齊蒞盟

穀梁作公子季友

八年春王

正月公會王人齊侯宋公衛侯許男曹伯陳世子

款盟于洮

公羊於陳世子款下有鄭世子華

九年三月丁丑宋

公御說卒

御公羊穀梁作禦

十八年春王正月宋公曹

伯衛人邾人伐齊

公羊宋公下有會字

二十三年夏五月

庚寅宋公茲父卒

茲公羊作慈

文元年冬十月楚世子商臣弑其君頹頹公穀作髡 三

年冬陽處父帥師伐楚以救江公穀無以字 六年冬

晉孤射姑出奔狄穀梁作夜姑 七年夏晉先蔑奔秦

蔑公羊作昧 十年冬楚子蔡侯次于厥貉公羊作屈貉

十一年春楚子伐麋麋公羊作圉 十二年春王正月

邲伯來奔邲公羊作盛 秋秦伯使術來聘公羊云使遂

冬城諸及鄆鄆公羊作運 十三年秋七月大室屋壞

公羊作世室 冬十二月公還自晉公穀無公字 十六年

夏六月戊辰公子遂及齊侯盟于鄆丘鄆公羊作犀穀梁作

師 十七年夏四月癸亥葬我小君聲姜聲公羊作聖

宣十一年冬納公孫寧儀行父于陳寧公羊作甯

成八年秋七月天子使召伯來賜公命賜公羊作錫 十

一年春晉侯使卻犇來聘己丑及卻犇盟犇公羊作州

襄元年夏晉韓厥帥師伐鄭厥公羊作屈 九年春宋災

災公羊作火 十九年秋七月辛卯齊侯環卒環公羊作瑗

二十年秋陳侯之弟黃出奔楚黃公羊穀梁作光 二

十二年冬公會晉侯齊侯宋公衛侯鄭伯曹伯莒

子邾子薛伯杞伯小邾子于沙隨公穀於薛伯上有滕子

三十年夏五月天王殺其弟佖夫佖公羊作年

昭三年春王正月丁未滕子原卒原公羊作泉 十二年

冬十月公子慙出奔齊

慙公羊作慙

二十年冬宋華

亥向寧華定出奔陳

寧公羊作甯

二十一年夏宋

華亥向寧華定自陳入于宋南里以叛

叛公羊作畔

二十三年秋吳敗頓胡沈蔡陳許之師于鷄父

穀父

梁作甫

三十一年冬黑肱以濫來奔

肱公羊作弓

定三年冬仲孫何忌及邾子盟于拔

拔公羊作枝

十年

夏齊人來歸鄆謹龜陰田

鄆公羊作運

宋公之

弟辰暨仲佗石彊出奔陳

公羊穀梁暨字下有宋字

十五年

鄭罕達帥師伐宋

罕公羊作軒

哀五年秋九月癸酉齊侯杵臼卒

杵公羊作處

十一年

夏陳轅頗出奔鄭

轅公羊作袁

右四十六處前例闕今續補

春秋啖趙集傳纂例卷九

番禺劉昌齡黎永椿王國瑞校字

春秋啖趙集傳纂例卷十

魯大夫譜第三十八

公子

子般莊公子

子惡文公子

子視子惡弟

公子偃宣公子

公子鉏宣公子

公衡衡父成

子野襄公子

公衍昭公子

公爲昭公叔務人

公果昭公子

公賁昭公子

公子荆哀公子

公女

紀伯姬

紀叔姬莊惠公女

杞伯姬莊公女

宋蕩伯姬

鄆季姬

子叔姬

郟伯姬

宋伯姬

共姬宣公女

杞叔姬宣公女

叔姬宣公女

臧氏

臧僖伯公子疆字子

臧哀伯臧孫達也

臧文仲臧孫辰哀伯孫

臧宣叔臧孫許文仲子

臧武仲臧孫紇宣叔子

定伯為宣叔子

臧昭伯臧為子

臧會頃伯宣叔孫

臧賓如臧會子

臧宣叔妻鑄女及其姪

臧疇臧宣叔子

臧賈臧宣叔子

臧石賓如子

眾氏

公子益師眾父孝公子眾父字也

眾仲孝公子○案杜云眾仲眾父子

仲孫氏

慶父桓公子共仲也

公孫敖穆伯慶父之子也

難惠叔敖之子

穀文伯亦敖之子

孟獻子穀之子仲孫蔑即孟孫也

孟孺子速獻子之子莊子

孺子秩莊子之子

仲孫羯秩之弟孝伯也

孟僖子仲孫獲即孟僖子也

南宮敬叔說獲之子

何忌懿子說之弟也

孺子泄懿子之子武伯

戴已

聲已

已氏以上公孫敖妻

泉丘人

其僚以上皆孟僖子妻

子服氏

懿伯子服仲孫也仲孫蔑子

孟椒子服惠伯子服椒

子服招伯惠伯子子服回

子服景伯子服何

叔孫氏

公子牙慶父同母弟即僖叔也

公孫茲牙之子叔孫戴伯也

公孫得臣牙之孫莊叔也

叔孫僑如得臣之子叔孫宣伯

叔孫豹僑如之弟穆叔也亦云穆子

叔孫昭子豹之庶子媾也

叔孫成子昭子之子叔孫不敗

叔孫武叔成子之子叔孫州仇

叔孫舒武叔之子文子也

國姜叔孫豹妻生孟丙及仲壬

庚宗婦人叔孫豹外妻生豎牛

孟丙叔孫豹子

仲壬丙之弟

豎牛叔孫豹子

叔仲氏

叔仲惠伯叔牙孫叔仲彭生也

叔仲昭伯惠伯孫叔仲帶即叔仲父

叔仲穆子帶之子叔仲小也即叔仲子也

叔仲志定伯帶之孫也

季孫氏

公子友季友成季季子公季友桓公子

季孫行父季文子公季友之孫

季孫宿行父之子武子也

悼子紇宿之子

平子意如悼子之子

桓子斯平子之子

康子肥桓子

注云季孫

季魴侯意如

小邾夫人生宋元夫人

秦敞之妻秦姬季孫宿女

季公亥季孫宿女

季妣公鳥之妻齊鮑文子之女

季姬季孫斯女

公鉏氏

公彌季孫宿子

惠伯鞅○杜氏釋例無惠伯有公甫在公之前

公之季孫紇

季寤子言意

平子妻宋元夫人

陰忌老季孫宿女

季公鳥季孫宿子

南孺子南氏季桓子妻生男

公鉏極彌之曾孫

公甫氏

公甫靖穆伯季孫紇子

子歆杜氏作公父歆是也

東門氏

公子遂東門襄仲仲遂東門遂莊公子

仲嬰齊襄仲子

叔氏

叔肸惠伯文公子

齊

叔弓老之子子叔子也

公甫文伯桓子從父昆弟公子歆○案公

公孫歸父子家歸父

公孫嬰齊肸之子子叔聲伯亦日子叔嬰

叔老齊子嬰齊之子

叔輒子叔伯張弓之子

叔鞅穆伯弓之子

云叔鞅子

叔詣叔輒之子○案杜譜及昭二十九年集解

叔還成子叔弓會孫○案杜集解云叔詣

會孫世本云叔弓生定伯閻閻生敬叔敬叔生還杜譜亦云成子叔弓會孫知集解誤也

叔青信仲

聲伯之母叔胗之妻

榮氏

榮成伯榮駕鸞叔胗曾孫

展氏

司空無駭公子展之孫

夷伯展氏伯父○釋例作桓父案杜注震夷伯

之廟云夷伯展氏之祖父通志氏族略公子展之子曰公孫夷伯孫曰展無駭據此夷伯當為展氏祖父作桓

作伯皆字誤耳

展禽食邑柳下謚曰惠

展喜

郈氏

郈成叔厚孫也孝公八世孫

郈昭伯郈孫

施氏

施孝叔惠公五世孫

施氏婦孝叔妻齊管于奚女

子家氏

子家文伯歸父子家莊公會孫

子家懿伯子家子子家羈

南氏

南遺

南蒯遺之子

孔氏

鄒人紇

叔梁紇孔父嘉元孫

孔丘

仲尼孔子尼父

秦氏

秦董父

秦不茲

董父之子

苦氏

苦夷

即苦越

陽州

越之子

雜人

費伯

庠父

公子豫

翬

羽父公子翬

挾

未賜族

申繻

公子達

案杜譜無此臧哀伯也已

見前不當更列雜人中

柔

未賜族

溺

疾其專命故去氏也

秦子

梁子

曹劇

公子偃

公右歇孫生

公子結

御孫

圉人犂

鍼巫氏

鍼季

公傅

卜齮

公子魚

奚斯

巫尪

公子買

子叢

夏父弗忌

侯叔夏

綿房甥

公冶

富父終甥

公冉務人

太史克

禽鄭

管子奚之子

匡句須

鮑國

本齊臣

師已

匠慶

狄虎彌

臧堅

秦周

御叔

申豐

閔子馬

閔馬父

豐點

孟公綽

梓慎

展莊叔

展瑕

展玉父

顏莊叔

公巫召伯仲

鄧鼓父

黨叔

曾天

梁其蹊

曾阜

萊書

杜泄

謝息

公子愁子仲

冶區夫

司鐸射

慮癸

司徒老祈

申須

琴張

公思展

申夜姑

雍人檀

秦遄

寺人僚祖

駸辰

左師展

郈魴假

女賈

公孫朝

泄聲子野泄

冉豎

林雍

顏鳴

仲梁懷

公山不狃子泄

公何藐

顏高

公斂處父公斂陽

顏息

叔孫輒

子張○案此與下孟之側皆公族不應入雜人輒州仇子也杜譜已誤陸氏未及考正

茲無還

林楚

公若藐公若

公南

侯犯

駟赤

仲由季路

申句須

子貢衛賜

樂頎

富父槐

正常

共劉

公賓庚

公甲叔子

析朱鉏

微虎

顏羽子

有若有子

冉求冉子

邴泄

笱周父

樊遲須

孟之側

林不狃

雙童汪錡

弦多本齊臣
施父也

太史固

豐夏

公孫有山公孫有
陘氏

高柴季羔本
衛臣

鉏商

公孫宿公孫
成也

郭重

陽虎

陽越陽虎
從弟

冉會

冉猛冉會
弟

澹臺子羽

卜楚丘之父

施父

公期案公期孟氏支
子亦當在前此

亦承杜
譜之誤

國名譜第三十九

周姬姓黃帝之苗裔后稷之後也后稷封於邰及夏之
 衰后稷之子不窋失其官竄於西戎至大王為狄所逼
 去邠居岐文王受命武王克殷而王有天下至幽王為
 犬戎所殺平王遷都王城今河南縣是也平王四十九
 年魯隱公之元年也敬王又遷成周今洛陽是也敬王
 三十九年獲麟之歲也四十二年而敬王崩

平王 桓王 莊王 僖王 惠王
 襄王 頃王 匡王 定王 簡王
 靈王 景王 敬王 悼王

諸侯有譜系者二十三國

魯國姬姓侯爵文王子周公旦之後也周公股肱周室成王封其子伯禽於曲阜爲魯侯今魯國是也隱公是惠公之子伯禽七世孫也哀公以下九世二百一十七年而楚滅之
晉姬姓侯爵武王子唐叔虞之後也成王滅唐而封之今太原晉陽是也燮父改唐爲晉燮父孫成侯徙都曲沃今河東聞喜縣是也穆侯徙都絳鄂侯二年魯隱公之元年也定公三十一年獲麟之歲也自定公以下六世而韓趙魏滅之

衛姬姓侯爵文王子康叔封之後也周公既誅祿父殺管蔡以其地封康叔爲衛侯居殷墟今朝歌縣是也狄滅衛文公居楚丘成公徙居帝丘今東郡濮陽是也桓公十三年魯隱公之元年也公輒十二年獲麟之歲也自公輒已下十一世二百五十八年而秦滅之

鄭姬姓伯爵周厲王子宣王母弟桓公友之後也宣王封友於鄭今京兆鄭縣是也及幽王無道友徙其人於號郟滅號郟之君分其地遂國焉今河南新鄭縣是也莊公二十二年魯隱公之元年也聲公二十年獲麟之歲也聲公三十七年卒自聲公已下五世九十一年而

韓滅之

蔡姬姓文王子叔度之後武王封之於汝南上蔡爲蔡侯作亂見誅子蔡仲成王復封之於蔡至平侯卒徙封新蔡昭侯徙九江下蔡宣侯二十八年魯隱公之元年也昭侯子成侯十年獲麟之歲也自成侯以下三世而楚滅之

滕姬姓侯爵文王子叔繡之後也武王封之居滕今沛郡公巨縣是也自叔繡至宣公十七世乃見春秋隱公以下後春秋七世而齊滅之

曹姬姓伯爵文王子叔振鐸之後也武王封之於陶巨

今濟陰定陶縣是也桓公二十五年魯隱公之元年也伯陽立十五年魯哀公之八年而宋滅之

北燕姬姓伯爵召公奭之後也周武王封之於燕居漁陽薊縣其國僻小不通諸夏自召公至簡公款二十九年世始見春秋簡公子獻公十二年獲麟之歲也獻公以下七世始大稱王十三世二百四十年而秦滅之

吳姬姓子爵周大王之子泰伯仲雍之後也武王克殷而封其曾孫周章於吳爲子至壽夢而稱王壽夢元年魯成公之六年也夫差十五年獲麟之歲也二十三年而越滅之

虞姬姓公爵武王克商封虞仲之庶孫以為虞仲之後處中國為西虞案杜譜作西吳是也後世謂之虞公在河東太陽縣也僖公五年晉滅之

隨姬姓侯爵不知始封僖二十年經書楚人伐隨自是以後遂為楚之私屬不與諸侯會同至定四年吳人入楚昭王奔隨隨人免之卒復楚國楚人德之列於諸侯哀元年隨侯見經其後不知為誰所滅

齊姜姓侯爵太公望之後也其先四岳佐禹有功或封於呂故太公曰呂望也太公股肱周室成王封之於營丘今臨淄是也僖公九年魯隱公之元年簡公四年獲

麟之歲也後田氏奪齊太公之後遂滅矣

宋子姓公爵其先契佐唐虞為司徒封於商成湯受命王有天下及紂為無道周武王伐紂而封其子武庚以紹殷後武庚作亂更封紂兄帝乙之元子微子啟為宋公今梁國睢陽縣是也穆公七年魯隱公之元年也景公三十六年獲麟之歲也後六世齊魏楚滅之

陳嬀姓侯爵虞舜之後也當周之興有虞遏父者為周陶正武王賴其利器用以為先聖之後以元妃之女太姬配遏父之子滿封於陳賜姓曰嬀號胡公桓公二十三年魯隱公之元年潛公二十二年案杜譜潛作緡獲麟之歲

也二十四年楚滅之

杞妘姓公爵夏禹之後也武王克殷求禹後得東樓公而封之於杞今陳留雍丘是也九代及成公遷緣陵文公居濇于成公始見春秋潛公六年獲麟之歲也後三世而楚滅之

莒嬴姓子爵少昊之後也周武王封茲輿期於莒今城陽莒縣是也自紀公以下爲己姓不知誰賜之也十一世茲丕公始見春秋其公以下微弱不復見四世楚滅之

秦嬴姓伯爵隴西山谷之名也於漢則隴西郡秦亭秦

谷是也堯時有伯益佐禹治水有功帝舜賜其姓曰嬴氏其後世之孫曰非子事周孝王使之養馬於汧渭之間封之爲附庸邑之於秦谷非子曾孫秦仲周宣王又命爲大夫始有車馬禮樂侍御之好秦仲之孫襄公平王之初興兵討西戎以救周平王旣東遷以岐豐之地賜之始列爲諸侯九世穆公始見春秋悼公十一年獲麟之歲也悼公子厲其公厲其公三十四年而卒自厲其公以下十三世百八十八年而秦王政立并天下始稱帝至二世而漢滅之

楚芊姓子爵顓頊之後也其後有鬻熊子事周文王早

卒成王封其曾孫熊繹於楚以子男之田居丹陽今南
郡枝江縣是也熊達始稱武王武王十九年魯隱公之
元年也武王居郢今江陵是也昭王徙都惠王八年獲
麟之歲也惠王五十七年卒自惠王以下十一世二百
九年而秦滅之

越姬姓其先夏后氏少康之庶子也封於會稽自號於
越於越者夷言發聲也濱在南海不與中國通後二十
餘世至允常魯定公五年始伐吳允常卒子句踐立是
爲越王越王元年魯定公十四年也魯哀公二十二年
句踐滅吳霸中國春秋後七世爲楚所破遂微弱矣

邾曹姓顓頊之後有陸終氏產六子其第五子曰安邾
卽安之後也周武王封其苗裔邾挾爲附庸居邾今魯
鄒縣是也自挾至儀父十二世始見春秋齊桓公行霸
儀父附從進爵稱子文公徙繹桓公以下春秋後八世
而楚滅之

許姜姓男爵堯四嶽伯夷之後也周武王封其苗裔文
叔於許今潁川是也自文叔至莊公十一世始見春秋
元公子結元年獲麟之歲也二十四世爲楚所滅
薛任姓侯爵黃帝之苗裔也奚仲封薛今魯國薛縣是
也仲虺居薛爲湯左相武王時復封其胄爲薛侯齊桓

公霸諸侯黜為伯至獻公始與魯同盟小國無紀世不可知亦不知為誰所滅

小邾曹姓子爵挾之後也夷父顏有功於周其子友別封為附庸居於郕曾孫黎來始見春秋數從齊桓公以尊周室王命以為小邾子穆公之孫惠公以下春秋六世而楚滅之

春秋時國大數總一百二十四國案下文所列止百二十三國

正國一百一十五 附庸國九

姓爵具者四十六國

魯姬姓 侯爵 晉姬姓 侯爵 楚芊姓 子爵 齊姜姓 侯爵 秦嬴姓 伯爵

吳姬姓 子爵

陳媯姓 侯爵

莒己姓 子爵

息姬姓 侯爵

巴姬姓 子爵

疑誤

州姜姓 公爵

祭姬姓 公爵

舒鳩偃姓 子爵

有姓無爵者一十八國案下文所列止十七國

越姒姓 子爵

蔡姬姓 侯爵

杞姒姓 公爵

隨姬姓 侯爵

鄧曼姓 侯爵

鄆姒姓 子爵

梁嬴姓 伯爵

宿風姓 男爵

滑姬姓 伯爵

宋公姓 子爵

邾曹姓 子爵

滕姬姓 侯爵

虞姬姓 侯爵

郈姬姓 伯爵

郕姬姓 伯爵

荀姬姓 侯爵

邶妘姓 子爵

郟己姓 子爵

衛姬姓 侯爵

曹姬姓 伯爵

薛任姓 侯爵

紀姜姓 侯爵

徐嬴姓 傅稱 伯爵

胡姬姓 子爵

賈姬姓 伯爵

原姬姓 伯爵

鄭姬姓 伯爵

許姜姓 男爵

小邾曹姓 子爵

北燕姬姓 伯爵

南燕姬姓 伯爵

凡姬姓 伯爵

夔芊姓 子爵

黃

姓嬴

羅

姓熊

邢

姓姬

魏

姓姬

霍

姓姬

郟

姓姬

鄭

姓隗

向

姓姜

偃

姓姬

韓

姓姬

舒

庸姓偃

焦

姓姬

楊

姓姬

夷

姓妘

申

姓姜

密

姓姬

耿

姓姬

夷

姓妘

申

姓姜

有

爵無姓者

一十七國

麋

子爵

頓

子爵

沈

子爵

穀

伯爵

譚

子爵

舒

子爵

宗

子爵

邳

子爵

白

狄子爵

賴

子爵

肥

子爵

鼓

子爵

戎

蠻子爵

唐

侯爵

潞

子爵

弦

子爵

鼓

子爵

戎

蠻子爵

唐

侯爵

姓爵俱無者三十三國

江

郟

權

道

柏

貳

軫

絞

蓼

六

遂

崇

戴

冀

温

厲

項

英氏

介

巢

庸

根

牟

無終

邾

姒

蓐

狄

房

鮮虞

陸渾

桐

郟

於餘

丘

附庸國九

一國姓爵具

須句

風姓子爵

任

風姓

葛

嬴姓

三國有姓無爵

顓臾

風姓

任

風姓

葛

嬴姓

春秋集例卷十

古

左

五國姓爵俱無

蕭

牟

鄆

極

鄆

四夷國共四十三

夷狄蠻戎皆氏羌之別種周衰交侵雜居中國自隱二
年潛之會見於春秋桓莊僖世頗盛為中國患其後種

族遂分

大戎

唐叔子孫別在夷狄者亦見前爵姓門莊二十八

小戎

居瓜州者

驪戎

西戎之別

犬戎

西戎之在中國者

揚拒泉臯伊洛之戎

揚拒泉臯皆戎邑及諸雜戎居伊水洛水之間

陸渾之戎

入居陸渾者

茅戎

戎之別

徐吾氏

茅戎之別

戎子駒支

即姜戎氏

陰戎

陸渾之別

九州之戎

亦陸渾之別在晉陰也

狄戎

戎之屬楚者

戎州

戎邑之在衛者

北戎

山戎也

山戎

北狄也

狄

氏羌別種在北曰狄

東山臯落氏

赤狄別種臯落其族氏

唐咎如

赤狄別種

白狄

狄別種河西郡有白部胡

鄭瞞

長狄國名防風氏之後

赤狄

唐叔子孫之在狄者

潞氏

赤狄別種

甲氏

留吁

二國皆赤狄別種

鐸辰

同上

無終

山戎國名

肅慎

北狄也

鮮虞 白狄別種 在中山

肥 白狄別種 在鉅鹿

鼓 同上

東夷 邾莒徐夷之類

羣舒 舒庸舒鳩之類皆東夷國

根牟

夷虎 蠻之叛 楚者

淮夷 魯東夷

三夷 從越之戎

盧戎 南蠻國

山夷 今之溪洞

蠻氏 戎別種

戎蠻 蠻之居中國者

黎 竝東戎國

地名譜第四十

陸渚曰 案此篇皆用杜氏釋例之文經師相承述而不作古多有之然不應冠以己名此三字當為後

增人妄 天有列宿之號地有山川之名尚矣與人倫竝今

其文禹貢及山海經載其大略而春秋經國邑之名又詳然書契以來歷代千百餘年其名號處所因緣改變加以四方之語音聲有楚夏文字有異同或一地二名或二地一名或得他國田邑以為己屬既難綜合又多繆誤疑闕自禹貢之經猶與地里相錯又況傳記雜書而可必處其異同似是而非似非而是者甚眾非精敏兼通不能淹濟其終始以獨見於千載之表也六合之內山川國邑道塗關津春秋多見其事盟會征伐各有所趣周流迂直可得而推日月遠近可得而校凡地名之變易經傳有起發者有經書所改之名則傳以實言

之許遷于夷實城父齊侯衛侯次于垂葭實鄭氏之比是也經傳未改之名傳發所改為文而稱經以為實者許遷于析實白羽公會齊侯于祝丘實夾谷之比是也皆謂地理舊名絕於當時而史記有遺文者也若二名當時竝存則通兩文互見黑壤犬丘時來之屬是也此皆經傳起事之常猶卿大夫名氏竝見非例也傳曰閨門之外實薰隧薰隧之地在門外非地名也其明年子產殺子析之罪稱薰隧之盟是以丘明就於盟薰隧傳發之學者推求之其庶乎疆場之邑一彼一此所屬無常如陳之焦夷後為楚邑莒魯之鄆亦無一定故今地

名唯以先者為主其變改私易學者可尋而知世人以河東汾陰為齊所盟葵丘又謂犍縣魚陵為楚公子黑肱所次魚陂楚師分涉於彭為豫章之彭澤吳人入棘櫟為河南陽翟末學之徒各互所見若此甚多古人之教戒以闕疑苟不廣見亦乃不知所疑也

隱

茂	魯地元年	鄆	鄭地	宿	風姓國	潛	魯地二年
極	附庸國	唐	魯地	密	莒地	石門	齊地三年
牟婁	杞地四年	清	衛地	濮	陳地名	長葛	鄭地
棠	魯地或曰在宋五年	艾	齊地六年	中丘	魯地七年	楚丘	衛地

垂
八衛地

邠
鄭地

瓦屋
周地

浮來
紀地

郎
九魯地

防
魯地

管
宋地

郟防
宋地

時來
魯地十年

桓

許田
魯國近許之田也元年

越
衛地

稷
宋地

郟
國姬姓

鄧
蔡地

嬴
齊地

蒲
衛地

郟
國姬姓

謹
魯地

祝
魯地

成
魯地

咸
魯地

桃
衛地

惡曹
魯地

折
關

夫鍾
郟地

闕
魯地

曲池
魯地

穀
宋地

盧
宋地

龜
宋地

武父
鄭地

櫟
鄭地

襄
宋地

向
魯地

黃
齊地

趨
魯地

奚
魯地

樂
水名在濟南十八年

莊

邾
紀元紀三年

禚
齊地

滑
鄭地

鄆
魯地

穀
齊地

蕝
魯地

乾時
齊地

洙
魯地

長勺
魯地

乘
魯地

莘
號地

鄆
魯地

北杏
齊地

柯
齊地

郵
衛地

邾
魯地

幽
宋地

遂
小國

濟西
魯地或曰曹地十八年

郟
魯地

扈
鄭地

洮
魯地

城濮
衛地

薛魯地三

秦魯地

小穀齊地三 梁宋地

閔總地

落姑齊地

陽閔二

僖

夷儀邢地

榿宋地

偃邾地

鄆魯地

楚丘衛地

江小國

下陽號地

貫宋地

陽穀齊地

陘楚地

召陵楚地

牟小國

弦小國

首止衛地

新城鄭地

甯母魯地

葵丘宋地

鹹衛地

緣陵杞地

沙鹿魯地

牡丘關地

匡衛地

婁林徐地

韓國名

淮水名

卞魯地

甌齊地

曹南曹南

邢國名

鹿上宋地

孟宋地

薄宋地

升陘魯地

泓關

向莒地

踐土鄭地

溫國

河陽晉地

翟泉周地

帝丘衛地

介小國

穀晉要地

箕晉地

文

戚衛地

彭衙秦地

垂隴鄭地

令狐晉地

須句邾地

郟魯地

衡雍八年

暴鄭地

女栗關地

厥貉關

承匡宋地

諸魯地

河曲晉地

鄆魯地

沓關地

棊鄭地

新城

宋地十年
鄆 齊地十年

宣

裴林

鄭地十年
平州 齊地

大棘 宋地十年

黑壤 晉地十年

平陽

魯地十年
攢函 狄地

辰陵 陳地十年

邲 鄭地十年

清丘

衛地
無婁 杞地十年

斷道 晉地十年

笙 魯地十年

成

赤棘

晉地十年
新築 衛地十年

鞏 齊地

袁婁 齊地

汶陽

魯地
蜀 魯地

棘 楚地十年

鄆 魯地十年

蟲牢

鄭地十年
馬陵 衛地十年

州來 楚地

中城 魯地十年

瑣澤

鄭地十年
交剛 鄭地

鍾離 楚地十年

葉 闕

戚

闕
鄆陵 鄭地十年

沙隨 宋地

茗丘 晉地

柯陵

鄭地十年
狸脹 魯地

彭城 宋地十年

虛村 闕

鹿囿

魯地

襄

鄆

鄭地十年
虎牢 鄭地十年

長檣 晉地十年

鷄澤 晉地

善道

闕五年
鄆 鄭地十年

費 魯地

鄆 鄭地

邢丘

晉地十年
戲 鄭地十年

柎 楚地十年

蕭魚 鄭地十年

亳城北

鄭地
台 魯地十年

鄆 莒地

邾 齊地十年

遇

魯地十年
成郛 魯地

劉 魯地

溴梁 梁地十年

成

魯地
桃 魯地十年

柯 衛地十年

祝柯 齊地

西郭 魯地 武城 魯地 澶淵 衛地二年 漆閭 邾地二年

曲沃 晉地二年 雍榆 晉地 重丘 齊地二年

昭

灑 邾地 太原 晉地 鄆田 魯地 蚡泉 魯地五年

紅 魯地 比蒲 魯地十年 禚 魯地

申 姜姓 乾谿 楚地十年 平丘 衛地 厥慙 魯地

白羽 楚地十年 鄆 曹地二年 昌閭 魯地二年 皇 周地

郊 周地二年 鷄父 楚地 狄泉 周地 黃父 二十五年

陽州 齊地 野井 齊地 曲棘 宋地 鄆陵 魯地六年

乾侯 晉地二年 適歷 晉地三年 成周 周地三年

定

拔 闕三年 臯鼬 鄭地四年 栢舉 楚地 沙 衛地七年

瓦 衛地八年 曲濮 衛地 五氏 晉地九年 夾谷 齊地十年

鄆 魯地 邱 魯地 費 魯地 安甫 闕地

蕭 附庸國 垂葭 衛地十年 晉陽 晉地 蛇淵 魯地

朝歌 晉地 馮李 越地十年 牽 衛地 莒父 魯地

霄 魯地 渠蔭 關地五年 漆 魯地

哀

鄆東 邾地二年 沂西 邾地 句繹 小邾地 鐵 衛地

州來 楚地 啟陽 晉地三年 西郭 魯地四年 毗 魯地五年

邾瑕

魯地六年

闡

魯地八年

雍丘

宋地九年

艾陵

齊地十年

橐臯

楚地十二年

鄖

衛地

岳

宋鄭隙地十三年

黃池

鄭地

啖子曰天下有道諸侯各守疆域非有王事未嘗敢自出其竟春秋時諸侯恣矣朝聘盟會侵伐圍襲遷追奔逃如入出居之類未嘗休息也甚者踰一二年越數千里而不知有社稷人民之守夫子惡之固因其所適而紀其地以示去國之遠邇行事之當否且言志其實也

不書某地則事若不實

然地名雖存而不係所屬國分

如河陽屬晉而不言

晉河陽之類

歷年滋多學者不知處所故今總會其名各從所屬使學者易曉其左氏傳有非當時地名經所不載

者此不論焉其有一地再見者則於前年題之後不再敘其未論者則闕焉以俟來者

春秋啖趙集傳纂例卷十

番禺劉昌齡黎永椿王國瑞校字

春秋纂例卷一
三

春秋託始隱公諸儒各以意窺測蕃然異辭獨陸氏撰
啖趙二家纂例於隱公下注云惠公三年平王東遷沈
括以爲若爾則春秋自合始隱更無可論余考叔佐之
作春秋統例其序曰幽厲雖衰雅未爲風逮平王之東
人習餘化苟有善惡當以周法正之故斷自平王之季
以隱公爲始與陸氏紀年可以互證益明而沈氏猶以
史記惠公卽位在東遷之後爲疑至王伯厚引吳仁傑
鹽石新論乃知陸氏之說本何休公羊音訓音訓久佚
唐人猶及見之邵公大儒且爲春秋專家之學其言必
有所受而春秋以前紀年諸書類多差異如三統自伯

禽至春秋三百八十四年魯世家自伯禽至隱元年財
得三百二十五年中間誤漏知不少矣不必據彼以疑
此竊謂陸氏此條信而有徵實足以明一家之學而息
羣訟之喙又如三傳經文差謬篇稱隱二年公會戎於
潛公羊潛作岑宣十五年蝮生之下公羊無饑字襄六
年宋華弱來奔公羊弱作溺僖二十年郕子來朝穀梁
作邾子昭十三年甲戌同盟于平丘穀梁作庚戌莊二
十六年公會宋人齊人伐徐左氏無公字僖十一年晉
殺其大夫平鄭父左氏無父字以上諸條今本三傳皆
同恐是後人臆改也又如僖七年甯母之盟公穀無鄭

世子華注云左氏有鄭世子華誤加之也考左氏謂子
華以欲去三族得罪於鄭是冬鄭伯請盟於齊是先未
同盟可知今三傳經文皆有鄭世子華顯然譌羨襄三
十年五月甲午宋災伯姬卒注云左氏災下又有宋字
衍文也今本有宋字文十三年邾子籛條卒字從竹與
公穀同今左氏獨從草據此皆可正其誤其他盟會諸
國多寡不同者地名人名聲近文異者尙多有之經典
異文在今可攷者惟陸元朗釋文一書耳段氏玉裁據
徐彥公羊疏所引盟於祫祥之異文釋文有未及者謂
古本不同至多釋文不能盡載此纂例所引先於徐氏

遠在開成刻石以前正可以補元朗之闕昔袁清容居士太息於春秋之學武夷胡氏作傳止於七家而唐世傳春秋家皆廢居士得寶章桂公所校陸氏纂例以爲他無善本又得微旨三卷爲皇祐間汴本且書其後云當永爲子孫寶俾勿墜云予子寶惠得明人舊本於京師不著刊行年月或出於袁氏所見本不可知暇日參考經傳讐校數過疑則注之不敢輕易本文子仙觀察見而善之爲付剞劂因畧述此書之可寶貴者有如此書之卷末學者其毋忽諸

道光丙午黃鍾之月嘉興錢儀吉謹識

